


А. ТОЛСТОЙ





Алтын Клүзек

алай

БУРАТИНОНАҢ
ПОЛЕЗАҢ ҮИМЕЛЕР








А. толстой

Алтын ҚЛҮЗЕК

алай

БУРАТИНОНАЦ
КОЛДАН НИМЕЛЕР



ХАКАСИЯНЫҢ КНИГА ИЗДАТЕЛЬСТВОЗЫ
АБАКАН—1962

Пу книганы
Толстая
Людмила Ильиничнаа
чарытчам


СӨС АЛНЫ

Мин кічігде,—хаң-хаңаң,—пір книга-
цах хығырғам: ол книгацах „Пиноккио, алай
ба ағас көклюнең полған нимелер“ тіп адал-
ған (ағас көкло италянецтер тілінен бура-
тино).

Мин Буратинонаң полған хынығ нимелер-
ні арғыстарыма, хызычаҳтарға паза оолағас-
тарға қоохтаңаңмын. Книгацах чіт парған,
аннаңар мин полған на сай пасха оңдайнаң
қоохтаңаңмын, книгада чох таа полған ни-
мелерні сагынып таап қоохтаңаңмын.

Нинче-нинче ыл иртіп парғанда, мин, иргі
наным Буратиноны сағызыма киріп, сірер-
ге, хызычаҳтар паза оолағастар, ағас кізіңек-
тің хынығ историязын қоохтап пирерге ча-
ратчам.

Алексей Толстой.



Столяр Джузеппенің холына кізі табызынаң сыйхатапчатхан полено урун парған

Хачан-хачанох Средиземной талайның хазында Көк Пурун солалығ кири столяр Джузеппе чуртаан.

Пір хатап аның холына хысахыда пес одынчан оланай полено урун парған.

— Хомай нимес ниме,—Джузеппе позының алныңча чоохтанған,—мынынаң стол азағын даа ит саларға чарирчых...

Джузеппе, пағнаң сарылған очкилерін кизіп, аның очкилері иргөк полғаннар, поленоны холында айлахтандырып, аны палтычаанаң чазап сыйхан.

Че чазап ла пастирынаңох, кемнін-де уғаа ніскечегес ўнічес сыйхтабысхан:

— Ой-ой, чаҳсы идіп, ағыринчах!

Джузеппе, очкилерін пурнуның узынзар чылдырып, узанчан туразын ибіре хараглаан,—пір дее кізі чоғыл...

Ол тахпайлығ корзиназар хайбаннаан,—пір кізі чоғыл.

Ол пазын ізіктен сыйара сунған,—тасхар даа кізі чоғыл...

„Нёös мағаа истіл парды полар?—сағын салған Джузеппе.—Кем сыйхтады ни зе?..“

Ол, пазох палтычаан алып, пазох поленоны сапхан...

— Йо, чоохтапчам ноза, ағырча!—ылғабысхан ніскечек ўнічегес.

Амды Джузеппе уғаа тын ўрўк парған, очкилері дее тирлеп парғанна... Ол, турадағы прай пулунннарны көрглеп, пессер кіріп, пазын хыйын тудына, трубазар илееде көрген.

— Пір дее кізі чоғыл...

„Алай мин, пірее киліспес нимес сүғ ізіп, хулахтарым соолапча ба?“—сағынған Джузеппе позының алынча...

Чох, ол пүүн киліспес ниме іспеен. Джузеппе, сала амырап парып, струзын алып, масхачахнаң струстың соонаң сабысхан, аның пычагы синінче сыйара ползын тибес, поленоны столға салып, олох ла струстап сыйхан...

— Йо, йо, йо, хайди полчазар, сірер ноға чымчылапчазар? — ніскечек ўнічек чабал сыыхтабысхан...

Джузеппе, струзын түзірібізіп, тәдір-тәдір пастырып, анаң полға одыра түсқен: ніскечек табызах полено істінең килчеткенін сис салған.

Джузеппе chooxтанчатхан поленоны позының арғызы Карлоға сыйлапча

Ол туста Джузеппезер аның иргі нанчызы Карло аттығ шарманщик кірген.

Хачан-да Карло, чалбах хырлығ слепеліг олаңай шарманка тудына, город сай чөріп, ыр ырлап, музыка ойнап азыранчан.

Амды Карло кири, ағырығ, аның шарманказы хачанох сайал парған.

— Изен, Джузеппе,—мастерскойзар кіріп, chooxтанған ол.—Ноға син полда одырчазың?

— Мин, мин кіичек сурубычах қідірібістім... Че ырах чөрзін ар ол!—нандырған Джузеппе, полено зар хыртаңнап.—Син чи, иргі нанчы, хайди чуртапчазың?

— Хомай,—нандырған Карло.

— Хайди азыран парызызарымнаңар ла сағысха түсчем... Син дее мағаа полызарчыхсың, чөп пиерчік-сің...

— Ниме зе, аар нимес,—ёріністіг теен Джузеппе, анаң позының алнынча сағын салған: „Мин пу айна полено даң сағам азырылимдах“.

— Ниме зе, тігіне көрдек—столда маңат полено чадыр, аны син, Карло, алып, ибінзер апар...

— Эх-хе-хе,—Карло, сағысха түзіп, нандырган,—анаң чи? Мин поленоны ибімзер ал килем, минін тұрачаамда пес тее өфіл ноза.

— Мин сағаа чаҳсы ниме чоохтапчам, Карло... Пычах алып, пу поленодаң көклю чазап ал, анаң аны өң-пасха күлкістіг чоохтар чоохтирга, сарнирга паза плесет саларға ўгредіп ал чөрерзің иб сай. Син іди тілім ішкке, стакан арагаа ахча тоғынып аларзын.

Ол туста полено чатчатхан чирдең көгліг ўнічек сыңылаан.

— Угаа чаҳсы сағынчазың, Көк Пурун!

Джузеппе пазох хорыхханынан сірлес сыххан, Карло, тізен, таңнап киліп, ибіре-сибіре хайбаңнаан,—табыс хайдан истілче?

— Че, Джузеппе, чөп ўчён спасибо. Хая, пир ар поленоңын.

Джузеппе, анчада поленоны хаап, сала маңзыри аны нанчызына пирген. Тан хыя пирген ме, тан полено позы холдан сустынып па, Карлоның пазына тееп парған.

— Ах, синің сыйииң андағ ноо!—тарынып хыс-хырган Карло.

— Пыром өфіл, нанчы, мин сағаа тенмеем.

— Андағда мин позым пазымны саап алдың ни зе?

— Чох, нанчы, хынза, полено позы сині сапты полар.

— Чойланма, син саптың...

— Чох, мин нимес...

— Мин пілченәмін, Көк Пурун, син ізечізің, ағаа хоза син чой кізі полтырызын,—нандырган Карло.

— Ах, син хырысчазың! — хысхырған Джузеппе. — Чедек, чағын килдек!..

— Позың чағын чёр, мин сині пурнунаң хабам!..

— Апсаҳтар, пурдайзып киліп, удур-төдір хабыс сыхханнар. Карло Джузеппенің көк пурнуна чапсынған. Джузеппе Карлоның хулахтары хыринда ёскен хыр састьарына чапсынған.

Аның соонан олар удур-төдір манатап хандырла-за парғаннар. Столдағы сыңылдос үнічек ол туста сынырап көкіткен:

— Чахсылаан арах, чахсылаан арах тудыныбыс!

Апсаҳтар майығып, тынастап сыхханнар. Джузеппе чоохтанған:

— Че, чарас салан ма, таң...

Карло нандырған:

— Че өзгірір за, чарас салан...


Апсаҳтар охсаныс салғаннар. Карло, поленозын холтыхтанып, ибінзер чөрібіскең.

Карло, ағас кёклө идіп, ағаа Буратино ат пирче

Карло пасхынча алтындағы турачахта чуртаан, анда тоғыр стенедегі сіліг пестен пасха ниме чох полған.

Че сіліг пес, пестегі от, огта хайнапчатхан тимір хазанаҳ, сын нимес полған,—олар иргі исте хоосталған полғаннар.

Карло, турачахха кіріп, азагы чох стол хырин-



Кинетін пурун, сబліп, өс сүххан...

дагы чалғыс одырчыхха одырып, поленоны прай саринаң айлахтандырып, пычахнаң кёклө чазап сүххан.

„Хайдаг ат пирем мин ағаа?—сағынған Карло.— Мин аны Буратино тіп адап салим. Ол ат мағаа часка ағылар. Мин пір семьяны пілченмін—оларны праизын Буратино адачаннар: пабазы—Буратино, ічезі—

Буратино, олғаннары—Буратиноларох... Олар прайзы көгліг чұртачаннар...“

Ін пастағызын ол поленода састана чазаан, анаң—хамаан, соонан—хараптарын...

Кинетін хараптар, постары азылып, Карлозар хази көргеннер...

Карло, чочаанын пілдіртпін, иркелеп сурған:

— Ағас харапастар, сірер минзер нөға піді пасхачыл көрчезер?

Че кёклю тапсабаан,—анаң ахсы чох полған,—хынза аннаң қоохтан полбаан полар. Карло наахтарын чазаан, анаң пурнун—олаңай пурнунны...

Кинетін пурун, сәбліп, ёс сыххан, уға узун, чітіг пурун пол парған, Карло анаң көріп чөпсінмеен:

— Чахсы нимес, узун...

Анаң пурнуның узын кис сыххан. Че пасхачыл ниме пол сыххан.

Пурун, айлахтанып, холдан хыя чачырап, ідөк узун-узун, прай нимені истерге-пілерге хыначы, хайдад полған, андағ устығ пурун халған.

Карло ахсын чазап сыххан. Че иріннерін не ғазиринаң,—ахсы сах андох азыл парған.

— Хи-хи-хи, ха-ха-ха!

Анаң кіичек хызыл тіл, сығара хонып, анаң ирізіп сохтан сыххан.

Карло, анаң сохтанғанына көрбин, чазанған, кисклеен, киртклеен. Кёклөгे ээгін, мойнын, иннілерін, кёксін, холларын иткен...

Че түгенің салаазын чазап тоозарынаң, Буратино мунзурухтарынаң Карлоны тас пазынаң сапхлаан, ұымчылап паза хылчытап сыххан.

— Истек пеер,—Карло хатығланып қоохтанған,—

мин сині ам даа идіп тооспаам, че син, тізен, сохтан сыхтың... Мыннаар ниме полар... А?..

Ол Буратинозар хатығланып көрген. Буратино күскени осхас тегілек харажтарынаң ідőк Карло пабазын андаан.

Карло ағаа тахпайнаң улуғ табаннығ узун азахтар ит пирген. Анаң, тоғызыны тоозып, ағас оолағасты, чөрерге ўгредер ўчүн, полға турғышкан.

Карло, сағысырап, аның соонаң пастырған:

— Эй, сох оолағас, айлан!..

Чидіп ал аны! Буратино тасхар, хозан на чіли, чүгүрген, аның ағас табаннары ла тастанча „түк-түк, түк-түк“ полып күзүреп парған.

— Тудыңар аны!—хысхырған Карло.

Иртіп париған чон, чүгүр париған Буратиноға холнаң көзідіп, хатхырысханнар. Улица пірікчеткен орында ирін сағалын сіліг иде толғаан ўс пулұннығ слепе кискен пәзік, чоон полицейской турчатхан.

Ол, чүгүріп одырған ағас кізічекті көр салып, таза пасхан азахтарынаң прай улицаны тулғабысқан. Буратино аның азахтары аразынча чүгүрерге хынған, че полицейской, аның пурнунаң хаап алышп, Карло паба читкенче іди тутхан...

— Че, тохтадаҳ, мин сағаа сыйданарбын,—тынастап ала chooxtaan Карло, Буратиноны куртказының ізебіне суғарға полып...

Мындағ көгліг күнде прай чон көзіне Буратиноның куртка ізебінде тоңхар чадары килбеең,—ол, Карлоның холынаң сығара толғанып, чирге сегірібізіп, бліг полып сүмеленібіскең...

— Ай, ай,—chooxtanған полицейской,—кирек хомай осхас!

Иртіп париған чон чылыс сыххан. Чатчатхан Буратиноны көріп, пастарын чайхааннар.

— Хайран палацах, хынза, өзök парған полар,— чоохтанғаннар піреелері...

— Карло аны әліге кире сох салған,—чоохтанғаннар пасхалары,—пу кирі шарманщик чаҳсы кізі полып хылынча, сын киректе ол чабал, тарынчах кізі...

Прай ол чоохтарны истіп, полицейской, хайран Карлоны мойдыриинаң хаап, полиция пöлиинзер апарған.

Карло, маймахтарынаң тозын пурладып, прай чонға искіре бөстеен:

— Ох, ох, пу ағас оолғычаҳты позымның чобаана иттірбін!

Улицада кізі халбаан аразында Буратино, пурнуп көдіріп, аар-пеер хайбаңнап, сегіріп-сегіріп, ибінзер чүгүрібіскен...

Чоохтанцаң Сығыртхос Буратиноға маңат чөп пирче


Буратино, пасхыс алтындағы турачахха чүгүр ки-
ліп, одырчых азагы хырина түкленде чат салған:

— Паза чи ниме сағынып алчаң за?

Ундубанаң, Буратино төріп пастағы ла күні пар-
чатхан. Аннаңар кічиңек ўчүн аның сағызы хысха-
чах ла, ырах нимезек ле полған.

Ол туста истіп салған:

— Крри-крри, крри-крри, крри-кри...



*Aх син, чүе частыг тараканыцах-хуртыцах!—хысахырган
Буратино.*

Буратино, турачахты ибіре-сибіре көріп, хайбанаан.

— Эй, кемдір мында?

— Минмін мында,—ккри-кри...

Буратино сала тараканға тőй, че паза сарысхани осхас хуртты оңнап салған. Хурт, пес ўстүндегі стенеде одырып, көлче сығырчатхан,—ккри-кри. Ол, сүлейке осхас харақтарынаң көріп, сағалахтарын тибіретчеткен.

— Эй, син кемзің?

— Мин Чоохтанчан Сығыртхоспын,—нандырған ол,—пу комнатада чүс артинаң чыл чуртап парим.

— Эзі мұнда минмін, пар мыннаң хыя.

— Чарир, мин парыбызам, чүс чыл чуртап салған комнатамны тастирға аястығ даа полза,—нандырған Сығыртхос,—че, мин парғалахта, син тузалығ чөп истіп ал.

— Кирі сығыртхостиң чөптері мағаа кирек чоғыллар...

— Ах, Буратино, Буратино,—choохтаан сығыртхос,—сохтанма, Карлоның сөзін ис, кирек чохта ибден чүгүрбе, таңдадаң сығара школаа чөріп паста. Андағ минің чөбім. Іди итпезен, синің хонин аар, хорғыстығ полар. Синің чұртың ўчүн мин өлген хуруг сеекті дее пирбеспін.

— Нога?—сурған Буратино.

— Көрерзің—нога,—нандырған Чоохтанчан Сығыртхос.

— Ах, син, чүс частығ тараканычах-хұртыча!—хысхырған Буратино.—Мин хорғыстығ чуртасха уғаа тың хынадырбын. Таңда тан сала чарызох, мин ибден чүгүрібізем—сиденнерге сығарға, хус уяларын сайбириға, оолағастарны ирізерге, адайларны, хоосхаларны хузурухтарынан ал чөрербін.. Мин аннаң пасхашыл ниме сағынып аларбын!..

— Аястығзың син мағаа, Буратино, аястығзың, ачығ харах қазын төгерзің син.

— Нога?—пазох сурған Буратино.

— Синің ағас пазыңын сағызы чоғыл, ана аннанар мин сині аяпчам.

— Анчада Буратино, одырчыхха сегіріп, аннаң

столға сегіріп, масхачах хаап алып, аны Чоохтанчаң Сығыртхостың пазына тастабысхан.

Сагыстығ кири Сығыртхос, аар тыныбызып, сагалларын тибіредіп, пес кистінзер чыл парыбысхан,—пу комнатадаң саңай чөрібіскен.

*Буратино позының хысха сағызы
йүчүн сала ёлбинче.*

*Карло паба ёңніг чаңыннаң ағаа
кип-азах итче паза азбука садып
ал пирче.*

Пасхыс алтындағы турадан Чоохтанчаң Сығыртхос парыбысхан соонда, уғаа эрістіг пол парған. Күн уғаа узун полған. Буратиноның харнында ідőк эрістіг полған.

Хараан нуубызып, табахта пызырған таңахты кинетін көр салған.

Табырах хараан азыбысхан,—табахтағы таңах чох пол парған.

Ол хараан пазох нуубысхан,—аба чистегінен хайнатхан варенье аралаан потхылығ табахты көр салған.

Хараан азыбысхан,—аба чистегінен хайнатхан варенье аралаан потхылығ табах чох пол парған.

Анчада Буратино пілінген, аның азыранары уғаа тың килчे.

Ол, пессер чүгүр киліп, пурнун отта хайнапчатхан хазанаҳха сұғыбысхан, че Буратиноның пурну хазанаҳты өтіре сазыбысхан, пілчебіс нöзе, ол песті,

отты, түдүнні, хазанахты чох чурттығ Карло иргі исте хоостаан полған.

Буратино, пурнун сығарып, тизіксер көрген,— хоостаан истің кистіндегі стенеде улуг нимес ізігеске тőй ниме көрінген, че ол прай ірімчікнен туу тартыл парған, ниме парын чаҳсы көр полбассын.

Буратино прай пулуннарны көрглеен,— хатып парған іпегес алай хоосха кимірген таңах сöögі табыл парбазын тіп.

Че чох чурттығ Карлоның чічен нимезі пір дее чох полған!

Кинетін ол тахпайлыш корзинада таңах нымырхазын көр салған. Аны хаап алып, көзенек алнына салып, пурнунаң кибегін талап алған.

Нымырхада істінең ніскечек унічек истілген:

— Спасибо, ағас кізічегес!

Талалған кибектен хузурух орнына түктіг паза көгліг харахтығ таңах палачағы сых килген.

— Анымчох! Таңах ічем мині сиден хазында хаchanох сағыпча.

Таңах палачағы көзенектен сығара сегірібісken,— көр ле халғаннар.


— Ой, ой,— хысхырыбысхан Буратино,— азырана-рым килче!..

Күн хайди полза тоозыл парған. Турада харасхы полыбысхан.

Буратино, пес хыринда одырып, астаанына көблече хырсап сыххан.

Ол көр салған— пасхыс алтында пол алтынаң чоон пас көрін парған. Анаң, чыс тартып ала, хысхачах азахтығ, пора аң сых килген.

Ол, маңзырабин, тахпайлыш корзиназар пастырған,



ағаа кіріп, чыстап, тарынып ала, тахпайларны сыйды-
ратхан. Ол Буратино талаан нымырханы кілеен по-
лар, хынза.

Соонан ол, корзинадаң сыйып, Буратинозар пас-
тыр килген. Полған на саринда төрт узун сағаллығ
хара пурнун аар-пеер айландырып, аны чыстаан. Бу-
ратинодаң чічең ниме чыстанмаан,—ол узун ніскечек
хузуруғын субарадып, хыя чөрібісken.

Че хайди аны хузуруғынаң хаппас! Буратино аны
сақ андох хаап алған.

Пу Шушара тіп кирі тарынчах улуғ күске полтыр.

Чочаанынаң ол, Буратиноны сөзіре, кәлеткі чіли,
пасхыс алтынзар атыххан, че ағас оолағастың хорых
парғанын көр салып, нандыра айлан киліп, аның та-
маан ўзе киртербін тіп, чабалланып, Буратиноға чап-
сынған.

Амды, тізен, Буратино хорых парған, күске-
нің соох хузуруғын позыдыбызып, одырчыха сегір-
ген. Күске—аның соонан.

Ол одырчыхтаң көзенек алнынзар сегірібісken.
Күске—аның соонан.


Көзенек алнынаң ол прай тураны тобыра столға
сегірген. Күске—аның соонаң... Мында, столда, ол,
Буратиноның тамаана чапсынып, анаң андара пазып,
тізінең ызырып ала, полға сегірген, анаң пасхыс ал-
тынзар, пол алтынзар сөзір сыххан.

— Карло паба!—хысхырарға маннанған Буратино.

— Мин мынданы!—нандырган өтіг табыс.

Ізік азыла түскен, Карло паба кір килген. Азағынан
ағас маймағын суура тартып, күскезер таставысхан.

Шушара, ағас оолғычаҳты позыдыбызып, тістерін
хычырадып ала тизібісken.



— Карло паба,—chooxtaan Буратино,—мин азбука чох
школаа хайди парам за?

— Ана сохтаныс нимең ағылча!—Буратиноны полдаң көдіріп, кібіренген Карло паба. Аны ибіре-сибіре көрглеен, пүдін ме, чох па. Аны хойнына одыртып, ізебінен мұксунах сығар киліп, арыглаан.

— Ма, чі!..

Буратино өзік парған тістерінен мұксунға тынған, аны хычырада тайнап, чіп салған. Аның соонан

Карло пабаның сағалы узун иде ёс парған наағына иgel сыххан.

— Мин сағыстығ-сағыстығ поларбын, Карло паба... Чоохтанчаң Сығыртхос школаа чёр тіп чоохтаан мағаа.

— Чахсы чўп, кіничегес.

— Карло паба, мин чалааспын, ағастаң иділгебін нөзе, — школада оолғычахтар мағаа хатхырызарлар.

— Эге,—choохтанған Карло, сағалы илееде ёс парған ээгінің алтын тырбанып.—Син сынны чоохтадың, кіничегес!

Ол, лампа тамызып, хыпты, клей паза ѡңніг чачынның кизегестерін алған. Күрен чачыннаң курткалах кизіп чапсырған, чарых ноған чачыннаң станычахтар ит пирген. Иргі түрәйден маймах паза иргі носкіден пёрігес, чачахтығ колпагылах ит пирген.

Прай аны Буратиноға кизірген:

— Че кис чёр пу кипті!

— Карло паба,—choохтанған Буратино,—мин школаа азбука чох хайди парапбын за?

— Эге, син сынны чоохтадың, кіничегес...

Карло паба ніткезін тырбанған. Чалғыс иргі куртказын иңніне тастап, тасхар сых парыбысхан.

Үр ниместең айлан килген, че куртка чох. Анын холында улуғ буквальғ паза хоос сомнығ книгачах полған.

— Карло паба, синің курткан хайдадыр за?

— Курткамны садыбысхам... Хайди полбас, іди дее чөргейбін. Син не чурта хазых-тіріг.

Буратино Карло пабаның ирке холларына пурнунаң иgelген.

— Ўгреніп, өзіп алзам, сағаа пір мун наа қуртка-
лар ал пирем.

Буратино аның чуртазындағы пастағы иирде, аны
choохтачаң Сығыртхос ўгреткен чіли, сохтанмин чур-
тирга прай күзінен харасхан.

Буратино, азбуказын садып, кёклөлер театрына билет алча

Иртен иртőк Буратино, азбуказын сумкачаана су-
ғып, сегіріп-сегіріп, школазар чүгүрібіскен.

Чол париғанда ол лавкадағы тадылығ нимелерзер
дее—мётке мак чачып иткен ўс пулұннығ пряниттер-
ге, тадылығ халазычахтарға, ағас пазына ілдірген та-
дышы петуғастарға даа көрбеен.

Ол чаçыннаң иткен чылан позытчатхан оолғычах-
тарзар даа көрерге хынмаан..

Улицаны тоғыр кисчеткен Базилио хоосханы ху-
зуруғынаң тартарға чарирчых. Че Буратино ағаа даа
теңмееен.

Школаа нинче чағын пастырған, анча чағын Сре-
диземнай талайның чарында көгліг музыка ойнаан.

- Пи-пи-пи,—сыңыраан флейта.
- Ла-ла-ла-ла,—ырлаан скрипка.
- Дзинь-дзинь,—сығдырасханнар чис табахтар.
- Бум!—сапхан барабан.

Школаа оң саринча парапға кирек, музыка сол
саринда истілген. Буратино сүрнүк сыххан. Азахтары
талайзар постары айланғаннар, анда истілчеткен:

- Пи-пи, пинии....,


— Дзин-ла-ла, дзин-ла-ла...

— Бум!

— Школа пір деे чирге парбас,—истілдіре чоохтан сыххан пос алынча Буратино,—мин сала көріп ле, истіп ле алып, школазар чүгүрібізем.

Прай күзін салып, талайзар чүгүрген. Ол ёң-пасха, талай чиліне саптырчатхан флагтарнаң хоосталған иснең иткен балаганны көр салған.

Балаганнын ўстүнде плесет салып, төрт музыканың ойнапчатхан.



Буратино, сегіріп-сегіюп, школазар чүгүрібіскен

Алтында күлінген сырайлығ чоон чача билеттер сатчатахан.

Ізік хыринда көп чон турчатхан—оолғычахтар паза хызычахтар, солдаттар, лимонад сатчаңнар, кічи-чек пала көдірген ипчілер, борт узурчаннар, почтальоннар,—прайзы, прайзы улуғ піcікті хығырчатханнар:

КӨКЛӨЛЕР ТЕАТРЫ ЧАЛҒЫС ЛА ОЙЫН

Маңзыраңар!

Маңзыраңар!

Маңзыраңар!

Буратино пір оолғычахтың ниниң тартхан:

— Чоохтанардах, чаҳсы идіп, кірчен билет нинчеге турча?

Оолағас, маңзырабин, тізін тобыра нандырған:

— Төрт сольдо, ағас кізічегес.

— Сірер истінердек, оолағас, мин ибде ахча сух-чаң сүмеечеемні ундуп салтырбын... Сірер мағаа әдіске төрт сольдо пирерчіксер бе?

Оолағас аны нимеे салбин сығырыбысхан:

— Алығ кізіні таптың!..

— Минің көклю театрлың көрерім уғаа даа тың килче!—харах қазы тобыра чоохтанған Буратино!— Минің сіліг курткачаамны төрт сольдога алынардах...

— Чачыннан иткен куртканы төрт сольдога? Алығ кізіні кіле.

— Че андағда минің сіліг пöриичеемні...

— Синің сіліг пöриичееннен сирестер ле тударға чарир... Алығ кізіні тап.

Буратиноның пурну даа тооп парған—ол театрға парарға уғаа тың хынған.

— Оолағас, андағда төрт сольдоға минің наа аз-
букам алып алынар...

— Сомычахтығ ба?

— Сіліг сомычахтығ паза улуғ буквалығ.

— Че, хая, ал пеер,—choохтанған оолах, азбуқаны
алып, хыныхсыбин төрт сольдо санап пирген.

Буратино, күлінген сырайлығ чоон чачазар чүгүр
киліп, сыйхтаас ўннең сыныраан:

— Истінердек, мағаа кёклө театрның чалғыс ла
оыйнына пастағы рядта билет пирінердек.

Ойын көзітчеткен кёклөлер Буратиноны танып салчалар

Буратино, пастағы рядта одырып, чабых көзене-
зер өрініп көрген.

Көзенеде сегірісчеткен кізічектер, хара маскалығ
хызычахтар чылтыстығ пörіктер кискен, сағаллығ
хорғыстығ кізілер, пурнулығ паза харахтығ күн, бли-
наа ла тёйі паза пасха даа хынығ сомычахтар хоос-
талған полғаннар.

Үс хати саң сабарларынаң, көзене көдіріл парған.

Улуғ нимес сценаның оң паза сол сариларынаң
хатығ чачыннаң иткен ағастар турчатханнар. Олар-
ның ўстүнде ай кибірліг фонаръ хызылтыр, ол ай
көріндесте чалтырап турған. Көріндесте ватанаң ит-
кен алтын пуруннығ ікі хуу чұс чөргеннер.

Хатығ чачыннаң иткен ағас кистінең узун ніңніг
узунох ах көгенек кискен кіичек кізічек сых килген.

Аның сырайы тіс чүгчан порошок осхас ах пудранан сүртілтір.

Ойын көрерге чыылған чонға пазырынып, ол кёөсаа чох chooxtanfan:

— Изеннер, минің адым Пьеро... Піс сағам сірерге мындағ аттығ ойынны көзідербіс: „Көк састығ хызыча, алай ба Отыс ўс ніткелес“. Мині ағаснан соғарлар, сырайымнаң сабарлар, ніткелирлер. Пу уғаа күлкістіг ойын...

Чачыннаң иткен пасха ағас кистінең прај клеткалығ кип кискен, шахмат чардызы осхас пасха кізічек сығара салған.

Ол чыылған чонға пазырынған:

— Изеннер, мин Арлекинмін.

Анаң ол, Пьерозар айланып, аны наағынаң ікі хати тазылада саба тартхан, анзының наахтарынаң пудра пурлап түскен.

— Син, сағызы чох, ноға ылғапчазың?

— Мин ипчі аларға хынчам, аннаң мәғаа көглиг нимес,—Пьеро нандырған.

— Син ноға ипчі албаазың?

— Алар хызым миннең тизібіскен...

— Ха-ха-ха,—эреп сыххан Арлекин,—көрдінер бе сағызы чохты!..

Ол, ағас хаап алып, Пьероны соқ сыххан.


— Синің алар хызыңың ады кемдір?

— Син паза тудыспассың, я?

— Чох, тудызарбын, мин тудызып наа ла пастапчам.

— Андағда аның ады Мальвина, алай ба көк састығ хызыча.

— Ха-ха-ха!—пазох хатхырған Арлекин, анан



— Көріңдердек, пу Буратино!—аныңзар салаазынаң көстеп хысхырган Арлекин

Пьеуоны пазох ўс хати ніткелебіскен.—Истіңдердек, чаҳсы чон... Көк састьғ хызычаҳтар поладыр ба?

Че ол, ойын көрерге чылыған чонзар айлан ки-ліп, кинетін паставы сірееде ахсы хулагына читіре, чаҳахтығ пörіктіг, узун пуруннығ ағас оолғычаҳты көр салған...

— Көріңдердек, пу Буратино!—аныңзар салаазын көстеп хысхырган Арлекин.

— Tipir Buratino! — аахтабысхан Пьеро, узун ніңнерін пулғап.

Чачыннаң иткен ағастар кистінең көп кёклөлер сығара чүгүр килгендер — хара маскалығ хызычаҳтар, пörік кискен, хорғыстығ сағаллығ кізілер, харах орнына марха хазанған түгдүр адайахтар, ўғұрсее тőйи пурұннығ пүгүр кізілер!

Олар прайзы, лампа сунғар турчатхан чарыт-хыларзар чүгүр киліп, харап, хысхырыс сыххан-нар:

— Пу Буратино! Пу Буратино! Піссер, піссер кил, кёгліг ойналаш Буратино!

Буратино сіреедең суфлёрның будказына, анаң сценазар сегірібіскен.

Кёклөлер, аны хаап алып, хучахтааннар, охсан-ғаннар, чымчылааннар. Анаң прай кёклөлер „Хузы- чах польказын“ ырласханнар:

Хузычах польканы танцевать полған
Иртен иртөк кәк от бскең чирде,
Тумзии сол саринзар, хузурии он саринзар,—
Ол Карабас аттығ полька полған.

Барабан ўстүнде ікі хара хоос,
Ход-ыр пага контрабасты ўрче.
Тумзии сол саринзар, хузурии он саринзар
Ол Барабас аттығ полька.

Хузычах польканы танцевать полған,
Ол бөрчіліг полған.
Тумзии сол саринзар, хузурии он саринзар,
Ана, хайдағ полькацах полған...

Чонның чүрөгі пу нимее нымзаан. Пір ипчінің ха- рағының қазы іди ле ахчатхан. Ёрт узурчан ир кізі сүйледе ылгаан.

Кистіндегі сірееде одырған оолғышахтар ла, тарынyp, азахтарынан топлатханнар:

— Че чидер чалғанызарға, кіңігі нимессер, ойын көзідінер!

Прай пу суум-саамны истіп, сцена кистінен уғаа хорғыстығ кізі сых килген, аныңзар пір ле көрзе, хорыхханнаң әл парапзың.

Аның таралбаан хойығ сағалы полда сөзірілген, сығарға чит парған нымалах хараҳтары айлахтанғаннар, улуғ ахсы крокодилни осхас тістерін хычыратхан. Аның холында—читі хузурухтығ хамчы.

Ол кёклө театрның әзі, кёклө науқаларының докторы Карабас Барабас синьор полған.

— Га-га-га, гу-гу-гу!—абағарыбысхан ол Буратиноға.—Минің уғаа манат ойынымны турғызарға син харығ пол пардың ноо?

Ол, Буратиноны хаап, театрның кладовойна апарып, позыға іл салған. Нандыра айланып, ол, ойынны көзідінер тіп, кёклөлерзер читі хузурухтығ хамчызын хыланнатхан.

Кёклөлер ойынны хайди полза тоосханнар, көзене чабыл парған, чон тарап парған.

Кёклө науқаларының докторы Карабас Барабас синьор кухнязар азыранарға парыбысхан.

Харығ полбазын тіп, ол сағалының узын ізебіне сүғып, пес алнына одырған, песте пүдүн кролик паза ікі таңа палазы харалчатхан.

Салааларынаң ол хаарған итті тут көрген, ит читіре пысхалах пілдір парған.

Песте одың ас полған. Ол ўс хати аязын сапхан.

Арлекиннең Пьеро кире хонғаннар.

— Пу нимее чарабас Буратиноны ағылынардах

минзер,—choохтанған Карабас Барабас синъор. Ол хұруғ ағастаң иділтір, мин аны отха таставыссам, ит табырах пыс парар.

Арлекиннең Пьеро, тізекке түзіп, часказы чох Буратиноны ая тіп сурынғаннар.

— Хайда минің хамчым?—абағарыбысхан Карабас Барабас.

Анчада олар, ылғап ала, кладовойзар парып, Буратиноны позығдаң суурып, кухнязар сөзір килгеннер.

Карабас Барабас синъор, Буратиноны ёртиր орнына, аға піс алтын ахча пиріп, ибінзер позытча

Кёклөлер, Буратиноны сөзір киліп, пес хыринда полға тасғабысханнарында, Карабас Барабас синъор, пурнунаң хорғыстығ хорхлап, тимірнен көстерні пул-астырчатхан.

Кинетін аның харахтарына хан толып, пурну, соонан прай сырдайы чырыл парған. Аның пурнуна кёс кизегі кір парды ни зе.

— Ап...ап...ап...—харахтарын жазыра көріп абағарған Карабас Барабас,—ап-чхи!..

Ол апсырыбысханда, пестегі ойба-күл, столба чіли, кәдіріл парған.

Кёклө наукаларының докторы апсыр сыхса, ол тохтап полбин, иліг, пірееде чүс хати тохтабин апсырчан.


Іди апсыртса, анын күзі хорацан, аннанар анын чүрегі нымзачан.

Пъеро Буратиноға көблече сыбырабысхан:

— Апсыртхан аразында анынаң choохтазарға сірен көр...

— Ап-чхи! Ап-чхи! — Карабас Барабас, азых ахсынаң кии тартынып, пазын чайхап, азахтарынан тебініл, нызырада апсыртхан.

Кухнядағы прай нимелер тітіреккеннер, сүлейке-



— Ылғаба, тохта! — хысқырган Карабас Барабас. — Син жағаа
харығ полчазың...

лер сүғдырасханнар, позыға іл салған скобралар паза кастрюлялар чайхалғаннар. Іди апсырған аразында Буратино сыйхтаас ўнічекнен улуп пастаан:

— Хайран позым, часказы чохпын, пір дее кізі мині аябинча!

— Ылғаба, тохта!—хысхырған Карабас Барабас.— Син мағаа харығ полчазың... Ап-чхи!

— Хазых полыңар, синьор,—сүркүннебіскен Буратино.

— Спасибо... Синің іче-пабан тіріг бе? Ап-чхи!

— Минің ічем чох полған хачан даа, синьор. Ах, часказы чох позым!—Буратино, іди ле тібинен, сынырап киліп хысхырыбысхан, ол табысха Карабас Барабастың хулахтарында іне сасхлаан на чіли пілдірген.

Ол азахтарынац тебінген:

— Чоохтапчам сағаа, тохта, сыныраба!.. Ап-чхи! Пабан чи тіріг бе?

— Минің хайран пабам ам даа тіріг, синьор.

— Мин сині кроликнен ікі таңах палазын хаарарға отха тастабысханымны иссе, синің пабана хомай пілдірер, неке... Ап-чхи!

— Минің хайран пабам, түрчеден іди дее өзбігіп, тооп өл парар. Мин кирі пабамның қалғыс ла чөлеңізібін. Синьор, аянар мині, позыңдар.

— Он мұң айналар!—абағарған Карабас Барабас.—Аирданар чоох таа чоғыл. Кроликнен таңах палаларын хаарарға кирек. Пессер кір.

— Синьор, мин іди пол полбаспын.

— Нога?— сүрған Карабас Барабас Буратино аның хулағына сынырабин чоохтанзын на тіп.

— Синьор, мин пір хати пурнумны пессер суғып оннаам, че песті ўтеп ле салғам.

— Поч, хайдағ пасхачыл нимедір!—таңап парған Карабас Барабас.—Хайди син пурнуннаң песте ўт иткезің?

— Синьор, пес паза аның ўстүндегі хазанаҳ иргі исте хоосталтырлар, ана аннаң мин аны ўтеп салғам.

— Ап-чхи!—Карабас Барабас угаа тың апсырыбысхан, аның чиліне Пьеро сол саринзар, Арлекин он саринзар чачырап парғаннар, Буратино, тізен, айлахтана тұсқен.

— Син исте пес, от, хазанаҳ хоостап салғанын хайда көргезің?

— Минің Карло пабамның турачаанда.

— Синің пабаң—Карло ба?

Карабас Барабас, одырчыхтаң сегіріп, холларынан сабынған, аның сағалы чайыл парған.

— Андағда кири Карлоның турачаанда чазырған ниме полтыр, ноза...

Че мында Карабас Барабас, чазыттығ нимені чоохтабыстым тіп, ікі дее мунзурууынаң ахсын чаба тутхан. Іди торспайған харажтарынаң ус парған от-сар көріп, түрче сым одырған.

— Чахсы,—choохтанған ол,—мин читіре пыспаан кроликті паза таңаң палаларын даа чеейбін. Мин сағаа, Буратино, чуртың сыйлапчам. Ағаа хоза...

Ол, сағалы алтындағы жилемет ізебіне холын суғып, пис алтын ахча сыйғарып, оларны Буратинозар сунған:

— Ағаа хоза... Пу ахчаларны алып, Карлоға апар пир. Пазырын ағаа паза чоохтап пар, мин аннаң сурынчам, астанаң өзегіп паза соохха тооп өлбезін. Чоохтап пар ин ёёнізі—ол иргі исте от хоосталған

турачаанаң парбазын. Пар, узуп ал, иртен иртőк ибіңзер чүгүр.

Буратино, пис алтын ахчаны ізебіне суғып, пазырынып нандырган:

— Алғыстапчам сірерні, синьор. Сірер ахчаны ізестіг холға пирдіңер...

Арлекиннең Пьеро Буратиноны кőклөлер узуңан туразар ўдес салғаннар, песте кой парапынаң хайдида осхан Буратиноны кőклөлер пазох хұ чахтааннар, осханғаннар, іткілееннер, чымчылааннар паза пазох хұ чахтааннар.

Ол кőклөлерге сыйыраан:

— Мында хайдағ-да қазыттығ ниме.

Нан парирып, Буратино ікі кіленчікке—Базилио хоосхаа паза Алиса тұлғеे тоғасча

Иртен иртőк Буратино ахказын хатап санаан,— алтын ахказы аның холындағы салаалары санынча полған,— пис ахча.

Ахказын мунзуруғында қазырып, ол ырлап ала сегіріп-сегіріп ибіңзер чүгүрген:

— Карло пабама наа күртка садып алам, мак сасхан көп тадылығ халазахтар, ағасха сасхан тадылығ петуғастар садып аларбын.

Хачан кőклö театрының балаганы паза чилге чилбірепчеткен флагтар харахтаң чіт парғаннарында, ол тозыннығ чолча кőö-саа чох парчатхан ікі кіленчікті

көр салған: ўс азахтығ ахсанап париган Алиса түлгүні паза харағы чох Базилио хоосханы.

Пу кичеे Буратиноға тасхар тоғасхан хоосха полбаан,—пасха хоосха, че ады Базилио паза сал түктігөк полған. Буратино иртерге хынған. Алиса түлгү агаа чойырхап тапсаан:

— Изен, чаҳсы Буратиночах! Хайдар іди манзырап парирзың?

— Ибімзер, Карло пабамзар.

Түлгү, уламох чойырхап, улуг тынған:

— Пілбинчем, хынза син Карло парасханны тіріге пазарзың ма? Ол өзөк тее паза тооп таа парир...

— Син чи мыны көргезің ме?—Буратино, мунзуругын азып, пис алтын ахчазын көзіткен.

Түлгү, ахча көр салып, позы даа пілінмин азахтарын андар сунған, че хоосха кинетін көрбес харахтарын азыбысхан, анын харахтары ікі кёк чарытхы чіли чылтыразыбысханнар.

Че Буратино аны оннабаан.

— Аллығ істіліг, чаҳсы Буратиночах, пу ахчаны хайдар тудынарзың?

— Карло пабама куртка ал пирем... Нaa азбука садып алам...

— Ох, ох, азбука алар одырзың!—Алиса, пазын чайхап, чоохтанған.—Үгредіг сині чаҳсаа ағылбас... Көрзен мині, ўгренгем, ўгренгем, амды, тізен, ўс азахтығ ахсанапчам.

— Азбука аларзың ное!—Базилио хоосха тімелген, анаң тарынып сағалларына апсырған.—Ол айна ўгредіг ўчүн мин харах чох халғам...

Чол хазындағы хуруғ ағаста кири харға одырчатхан. Ол, истіп, истіп, харлабысхан:

— Чойланманаң, чойланмаңар!..

Базилио хоосха, сах андох чоғар сегіріп, харғаны ағаснаң азаанаң түзіре тартып, аның хузуруғының чарымын ўзе тартыбысхан,—харға хайди полза ла уuchs парыбысхан. Хоосха пазох харағы чохпын тіп сүмелеңген.

— Сіреп, Базилио хоосха, аны нөға іди сохтар?
— Буратино таннап киліп сурған.

— Хараам чоғыл, ноза,—хоосха нандырган,—ағас ўстүнде адайах одырча тіп пілдір парған...

Олар ўзөлең пазох тозынның чолча чёр сыхханар. Тұлғү теен:

— Сағыстығ, сағыстығ Буратиночах, синің ахсан он хати көп пол парза, ниме тирчіксің?

— Чахсы, ползың! Че хайди итчен іди?

— Ниме чох. Идербіс. Піснен хада пардаң.

— Хайдар?

— Алығлар Страназына.

Буратино көп нимес сағынған.

— Чох, мин, хынза, сағам ибімзер айланам.

Хайди хынзаң, іди пол, піс сині пағнаң тартпин-чабыс,—choохтанған тұлғү,—позыңох хомай.

— Позыңох хомай,—хоосха тімелген.

— Позың позына ырычызың,—choохтанған тұлғү.

— Позың позына ырычызың,—тімелген хоосха.

— Піснен хада парзаң, синің пис алтын ахсан көп ахчаа Ѳс парарчых...

Буратино, тохтабызып, ахсын азып турыбысхан...

— Чойланчазың!

Хоосха, хузуруғына одырып, чалғанған:

— Мин сағаа чахсы иде чоохтап пирим. Алығлар

Страназында чазы пар,—ол Хайхас нимелер Чазызы тіп адалча...

Ол чазыда оймагас хазып, „Кренс, фекс, пекс“ тіп ўс хати chooxtan, анаң оймагасха алтын ахчаң салып, ўстүне чир сал сал, анын ўстүне тус сазып, чахсаан суғлап салып, узирға чөрібіс. Иртенгізінде ол оймахтаң улуғ нимес ағазах ѡс килер, аның пүрлері орнында алтын ахчалар пәларлар. Пілдің ме?

Буратино сегіре түскен:

— Чойланчазың!

— Паран, Базилио,—тұлғұ, тарынған полып, пурнун хыя тартхан,—піске киртінмінчелер — че چарир за...

— Чох, чох,—хысхырган Буратино,—киртінчем, киртінчем!.. Че паранар табырах Алығлар Страназына!..

„Үс палых“ тіп аттығ азыранған, турада

Буратино, Алиса тұлғұ паза Базилио хоосха, тағтобін иніп, чазылар, виноград одыртхан орыннар тобыра, харагайлар ёскен арығ тобыра парып, талайзар сыйханнар, анаң пазох талайзартын айланып, олох харагайлар ёскен арығ, виноград одыртхан чир тобыра килгеннер...

Хыранас ўстүндегі городыцах паза аның ўстүндегі күн пірееде он саринаң, пірееде сол саринаң көрінген...

Алиса тұлғұ, улуғ тынып, chooxtanған:

— Алығлар Страназына чидері ниик нимес, азаңны прай чыстыр саларзын...

Иирзер олар чолдаң тоғыр, ізігінде мындағ ниме пазылған чалбах хырлығ тұра көр салғаннар:

Азыранчаң тура

„Үс палых“

Аның әзі, аалчыларға сығара чүгүр киліп, тас пазындағы пёричеен суура тартып, кірінер тіп, тобін пазырынған.

— Хуруғ іпегес чіп алза, чаҳсох поларчых,—теен түлгү.

— Хуруғ іпегеснен дее сыйлабысчаң ползалар, чарирчых,—хатабох chooxtanған хоосха.

Азыранчаң тураа кіріп, пес хырина одыр салғаннар, анда ідістерде паза скобраларда хынған на ниме харылчаттыр.

Түлгү тохтабин чалғанған, Базилио хоосха азахтарын столға салған, сағаллығ пазын—азахтарына,—ол чічен нимеден харахтарын албаан.

— Эй, иб әзі,—chooxtanған Буратино,—піске ўс тілім хуруғ іпегес пирінердек...

Иб әзі, мындағ аарлығ аалчылар анча асхынах чічен ниме сурчатханнарын таңнап, сала ла ойdas парбаан.

— Көгліг, сағыстығ Буратиночах сірернең хормачыланча,—хатхырған түлгү.

— Ол хормачыланча,—тапсаан хоосха.


— Ўс тілім хуруғ іпегес паза ағаа хоза—саргалта харылған тігі хурағанахты пирінер,—теен түлгү,—ағаа хоза тігі хас палачағын, ідәк сісте пысхан ікі голубьты, ағаа хоза, хынза, паарычаҳ пирерзер...

— Ин симіс алты пазырны,—чахаан хоосха,—
тайнамфа оғазах хуруғ палых пирінер.

Олар іди пестегі прай чічен нимені алып алған-
нар: Буратиноға хуруғ іпегес ле халған.

Алиса тұлғүнең Базилио хоосха прай ол нимені
сöөгінен ҳада чіп салғаннар. Оларның ҳарнылары пе-
дей парған, сырайлары ўснен چылтырасчатхан.

— Піреे час тынанып аларбыс,—че орты хараада
чол сығарбыс. Иб әзzi, пісті усхуарға ундубаңа...



Иб әзzi аалымларға уදур сығара хонған.

Тұлғүнен хоосха, ікі нымзах төзекте чадып, хорлаза-сығырыза халғаннар. Буратино пулундағы төзекте чадыбысхан...

Ол түзінде нымалах алтын пүрліг ағазахты көрген... Ол холын андар сұнарынан...

— Эй, Буратино синьор, тур, орты хараа...

Ізік түклеметкеннер. Буратино, табырах тура хонып, харахтарын чызынған. Орғанда хоосха даа, түлгү дее чоғыл,—хуруғ.

Иб әзі ағаа choохтап пирген:

— Сірернің аарлығ нанчыларыңар, пурнада турып, соох пирог чіп алдып, чөре халғаннар...

— Мағаа олар пірее ниме сөлирзін тееннер бе?

— Йа, сөлееннер,—сірер, Буратино синьор, табырах арах арығзар чүгүріцер...

Буратино ізіксер күс салған, че иб әзі, иркінде таяна турып, харахтарын кіңіг иде көріп, choохтанған:

— Иирде азыранған ўчүн кем төлир?

— Ой,—сыныраан Буратино,—нинче төлирге ки-ректір?

— Пір алтын ахча...

Буратино сах андох аның азахтары аразынаң ўкүс саларға иткен, че иб әзі, аны сизін салып, хаап алған,—аның сағалы, хулағы ўстүндегі састьары тыrbай парғаннар.

— Төле ахчан, айна, анарда мин сині хуртты чіли, тобыра сазыбызам!

Пис ахчанын пірсін төлирге киліскен. Буратино, пи-челге түзіп, азыранчан турадаң хыя паstryған.

Харағызы харасхы—köйе ле осхас хара. Ибіре прай ниме узупчатхан. Буратиноның пазының ўстүнчे хараа чёрчен хус Сплюшка амыр учух чөрген.

Нымзах ханадынаң аның пурнуна тееп, Сплюшка нинче-нинче choохтанған:

— Киртінме, киртінме, киртінме!

Ол ачырғанып тохти түскен:

— Сагаа ниме киректір?

— Хоосханаң тұлгее киртінме...

— Че, хыя пар мыннаң!

Ол, чүгүр парирып, Сплюшканың choофын исken:

— Пу чолда чабаллардан хорых...

Буратиноға чабаллар чапсынчалар

Тигір төзінде көк арах от чарии түскен,—ай сыхчаттыр.

Алнында арығ харалчатхан.

Буратино табырах арах пастырған. Аның соонаң кем-де ідәк табырах пастырған.

Ол чүгүр сыххан. Кем-де аның соонан истілбес чорыхнаң сегірген.

Ол айлана түскен.

Аны ікі ниме сүре чидіп одырганнар—олар пастарына хап кизіп алтырлар, характары орнына, тізен, тизіктер.

Сала чабыс сынни пычағын пулғаан, пірсі, сала позігі, хысха мылтых тудын салтыр, аның пазы воронкани осхас чалбах полған...

— Ай-ай!—сыхтаан Буратино, анан, хозан на чіли, арығзар ўкүс салған.

— Тохта, тохта!—хысхырғаннар чабаллар.

Буратино хорых парған даа полза, сизін салған—

ахчазын ахсына сұғыбызып, чолдан ыдырбан туу ёс парған сидензер хыя тартхан... Че мында ікі чабал аны хаап алғаннар...

— Хапчиин алай ба тының!

Буратино, аннан ниме сурчатханнарын пілбечік полып, удаа-удаа пурнунаң тынған. Чабаллар аны ніткезінен сіліккеннер, пірсі мылтыхнан чалтыратхан, паза пірсі ізептерін хасхан.

— Ахчан хайдадыр? — хысхырган пәзігі.

— Ахчан пир, айна! — сыйлаан чабызы.

— Ўзе-чара тартып салам!

— Пазыңны ўзе кимірем!

Анчада Буратино хорыхханың сірлес сыххан, сірлескенге алтын ахчалары ахсында хоғдырасханнар.

— Ана ахчазы хайдадыр! — улусханнар чабаллар. — Ахчазы аның ахсында...

Пірсі Буратиноны пазынаң, паза пірсі азаанаң хапхан. Аны аар-пеер тастап сыхханнар. Че ол тізін пик ызырынған.

Аны тоңхар тудып, чабаллар пазынаң чирге сапханнар. Че аның пазы хайди полбаан.

Чабызағы чалбах пычахнаң аның тістерін ас сыххан. Мына олох таа ас парири... Буратино нинче пар қүзінен аның холын ызырыбысхан... Че ол хол нимес, хоосха азатып полтыр. Чабал азаа ағырганға улуп салыбысхан. Буратино ол туста, килемдің чили, суура толғанып, сидензер атыххан, хазалчых ыдырбанзар сегірібіскен, ыдырбанның інелерінде станының паза күртказының тарыптарын халғызып, тігі саринзар алтап алышп, арығзар атыххан.

Арығ хыринда чабаллар аны пазох сүре чидіп алғаннар. Ол, чоғар сегірібізіп, салбаннапчатхан са-

лааға тынып, ағас ўстүне сыххан. Чабаллар—аның соонан. Че оларға пастарындағы хаптар харығ полған.

Буратино, ағас пазына сыйып алып, ўбен киліп, хости ағасxa сегірібіскен. Чабаллар—аның соонан...

Че мына ікізі дее, тудын полбин, чирге петлеп халдылар.

Олар тын алынғанча паза тырбанғанча Буратино ағастаң түзіре сегіріп, табырах чүгүр сыххан, табырах чүгүргенге аның азахтары даа көрінмеен.

Ағастардан ай чариинда узун көлеткілер көрінген. Арығ прай сал полған...

Буратино пірееде көлеткіде назынған, пірееде аның ах пöричес ай чариинда хазар париган.

Іди ол көлге чидіп алған. Чарых сұғ ўстүнде, кёклөлөр театрындағы чили, ай чалтырап турған.

Буратино он саринзар ылайлығ сас чирче ўкүс салған. Сол саринзар—ылайох... Соонда, тізен, пазох салаалар хычырасханнар...

— Тут, тут аны!..

Чабаллар олох таа чидіп одырғаннар, Буратиноны көрер ўчүн ол оттаң пöзік сегірізіп одырғаннар.


— Мына ол!

Суға ла сегірібіссе ол ос поларчых. Ол туста Буратино чар хыринда пазын ханады алтына суғып узупчатхан ах хууны кёр салған.

Буратино, көлічексер сегірібізіп, суға сомып, хууның азахтарына чапсынған.

— Го-го,—тапсаан хуу, усхунып,—хайдағ ниме полчандыр. Минің азахтарымны позыдыңар!

Хуу чалбах ханаттарын назыбысхан, чабаллар Буратиноның сұғдан көрінчеткен азахтарынаң хаап таа алғаннарында, хуу көл кизіре учуғыбысхан.



Хуу чалбах-ханаттарын өзүйбысхан, чабаллар Буратиноның сүгдаң
көрінчеткен азахтарынаң хаап таа алғаннарында хуу көл кизіре
үчүфыбысхан,

Буратино, тігі чарда аның азахтарын салыбызып, чирзер петли түзіп, тылоларча, хамыстар тобыра хыран ўстүндегі улуғ айзар көні атыххан.

Чабаллар Буратиноны ағасха іл салчалар

Буратино, күскүде көзенек алнындағы сеек чіли, майыхханына азахтарын чадап ла алыстырган.

Кинетін хузух ағазының салаалары тобыра ол сіліг чирічекті аның ортызында—ай чаринда чылтырапчатхан төрт көзенектіг кіичек турачаҳты көрсалған. Көзенек хаалхаларында күн, ай, чылтыстар хоосталтыр.

Ибіре улуғ көк чаҳаяхтар ёсчеттірлер.

Чолычаҳтарға арығ хұмычах урылтыр. Фонтаннаң, сорлап, ніскечек сүғ ахчатхан, анда сал мерчік сегір турған.

Буратино ўмектеп ала кірлеске сығып алды. Ізік тохлатхан. Турачаҳта амыр полған. Ол тың тохлатты,—халың узуупчалар ни зе.

Ол туста арығдан пазоҳ чабаллар сығара салғаннар. Олар көлні кизіре чүстірлер, сүғ олардан іди ле ахчатхан. Буратиноны көр салып, чабызах, азымахчы хоосха чіли, майлап сыйхан, пәзігі түлгү табызынаң тапсабысхан...

Буратино ізікті холларынаң, азахтарынаң тохлатхан:

— Полызыңар, чаҳсы идіп, полызыңар, чаҳсы кізілер!..

Анчада көзенектен түгдүр пастығ сіліг тумзин-
чаан өнөр тутхан погда хызычагас пахлаан.

Харахтарын ол нууп салтыр.

— Хызычах ізиннер азынардах, мині чабаллар сү-
рісчелер!

— Ах, хайдай пасхачыл нимедір!—сіліг ахсычаа-
наң изеп өохтәнған хызычах.—Минің үйфум килче,
мин харахтарым ас полбинчам...

Ол, холларын өнөр көдіріп, үйғузынаң киріліп,
көзенек озаринда өйтіп парған.

Буратино, ачыргазынаң тумзиннаң хұмға түс па-
рып, өліг полыбысхан.

Чабаллар чиде түскеннер:

— Че амды пістен оспассың!..

Олар, Буратиноның ахсын астырарға хынып, аны
хайди ла итпееннер. Буратиноны сүрізіп, олар пы-
чахнаң мылтыхтарын өндірбейн ползалар, мында хай-
ран Буратинодаң өохтүү тоозарға даа килізер-
чік.

Чабаллар амды аны тоңхар хыс саларға қарат-
тырлар. Азаана пән палғап, Буратиноны дуб салаа-
зына хыс салдылар... Олар, өл хузурухтарын сөбде
тартып, ағас алтында одырып, аның ахсындағы ах-
чалар хачан түс парарын сағыпчатханнар...

Таң өнөр одырған туста чил түзібіскен, дубтың
пүрлері хоғдыразыбысханнар. Буратино ағазах чіли
чайхалған. Азымахчылар өл хузурухтарын төзене
одырып майых парғаннар...

— Че, нанчычах, иирге читіре пол,—тарынып ала
тееннер олар, анаң пірее чол хазындағы азыранчаң
тура кілеп чөрібіскеннер.

Кёк састьғ хызычах Буратиноны тіргісче

Буратино хызылған дубтың салаалары аразында таң چарып килген.

Чазыдағы от ағар парған, кёк чахаяхтар салым тамчығастарынаң چабыныбысханнар.

Түгдүр кёк састьғ хызычах, пазох көзенектең көгісче сығып, сіліг ҳарахтарын чызынып, азыбысхан.

Пу хызычах Карабас Барабас синьорның кёклөлер театрындағы ин сіліг кёклю полған.

Театр әэзінің хатығланғанына сыдан полбин, ол, театрдан тизібізіп, пу сіліг چазыдағы чалғыс туралда чуртап сыйхан.

Аннар, хустар паза пірее хурт-хоостар ағаа тың хыныбысханнар—ол چахсы хылыхтығ, амыр хызычах полған.

Аннар ағаа чуртасха кирек прай нимені ағыл пирченнер.

Тискер азах ағаа чічен чилегелер тазычан.

Күскелер сахар, сыр паза колбаса кизегестері тазычаннар.

Чахсы хылыхтығ Артемон адай халастар ағылчан.

Саасхан базардан күмүс чачынға ораан шоколад конфеттерін оғырлап ағылчан.

Пағалар хузух кибегінде лимонад тазычаннар.

Киикчін—пызырған хус иді.

Май ҳарахостары—өң-пасча чистектер.

Өрбекейлер—сырай сүртерге чахаях тозынын.

Чылчан хурттар тіс чуурға харнұларынаң паста сыға пасчаңнар.



Көзенек алтында өткөн күнде Артемон адай тура түскен.

Харакхайлар тура хыриндағы сахчан аарларны паза сарығ сеектерні чіченнер...

Көк састьғ хызычах, харажтарын азыбызып, ағасха тоңхар хызыл парған Буратиноны сах андох көр салған.

Ол, наахтарын аяларынаң таянып, хысхырыбысхан:
— Ax, ax, ax!

Кöзенек алтында хулахтарынаң халbastанып, чахсы хылыктығ Артемон адай тұра түскен. Ол пу наада ла көксінің соонзархы түгін таарған, ол күннің іди итчөн. Аның көксіндегі түгдүр түк чахсы иде таралтыр, хузуруның пазындағы чачағасха хара бант палғалтыр. Алнындағы азаанды—күмөс часы.

— Мин тимдебін!

Артемон, тумзиин хыя тудып, ўстүндегі ирнін чоғар көдіріп, тістерін хазартхан.

— Артемон, пірее кізі хығырдах! — чоохтанған хызычах. — Хайран Буратиноны ағастан азырып, туразар киріп, имчі хығыртарға кирек...

— Тимдебін!

Артемон тимде полғанын көзідіп айлахтанғанда, аның кизін азахтарынаң өл хұм пытыраан...

Ол хумусхаларзар атыххан,—прай чонны усхурып, 400 хумусханы Буратино палғалған пәгнү киртерге ысхан.

Төрт чүс хумусха субалыза ніскечек чолычаха чылышханнар, анан, ағасха сығып, пәгнү ўзе кимірібіскеннер.

Артемон, алын азахтарынаң андарыл парған Буратиноны хаап, аны туразар апар салған... Буратиноны орғанға сал салып, чүгүріснег арығзар парып, аннаң саблығ имчі Тасханы, фельдшер ипчі Гаганы паза хуруғ салаға төй чон сыйырағчызы Худайға пазырчаны ал килген.

Тасха хулағынаң Буратиноның көксін тыңдаан.

— Пациент тіріг нимес,—сыйыраан ол, анаң пазын пір чүс сиғізон градусха хыя айландырыбысхан.

Пага ёл холынан Буратиноны ўр тутхлаан. Сағыс-ха түзіп, ол пір туста пасха-пасха саринзар көрглеен.

Улуф ахсынаң чаплатхан:

— Пациент тіріг, неке...

Чон сыйырағчызы Худайға пазырчан хуруғ оды- чахтар осхас холларынан Буратиноны тутхлап сыххан.

— Ікінің пірсі,—сығұдырабысхан ол:—алай ба пациент тіріг, алай ба ол ўреп парған. Сынап ол әліг полза—аны тіргізерге чарир алай ба тіргіспеске чарир.

— Шарлатан,—тіп, Тасха, нымзах ханаттарынан сабынып, тураның хырынзар учух парыбысхан.

Тарынғанына Паганың мойны прай сіс парған.

— Хайдағ пір ниме пілбес чондыр!—тіп, ол харынаң петлеп, сыхтығ подвалзар сегір чөрібіскен.

Худайға пазырчан тіп аттығ имі, піреे ниме пол парбазын тіл, хуруғ салаға хубульып, көзенектен тасхар түс парған.

Хызычах сіліг холларын сабынған:

— Хайди имнечен зе аны гражданнар?

— Касторканан,—пол алтынаң хысхырған Пага.

— Касторканан!—тура хырынаң чабалланып хыс- хырған Тасха.

— Касторканан алай ба касторканан нимес,— чихлаан Худайға пазырчан көзенек озаринаң.

Анчада прай позы сойыл, көгер парған, часказы чох Буратино ёсти түскен:

— Касторка кирек чоғыл, минің кённім сах піл- дірче!

Көк састығ хызычах улуф сағысыраснан ағаа мө- кейген:

— Буратино, сурынчам синнен—хараан нуубыс, пурнуң чаап, ізібіс.

- Іспеспін, іспеспін, іспеспін!..
- Мин сағаа сахар кизегезі пирем...
- Олох туста чорғанча органға ах күске сых килген, ол ах сахар тудын салтыр.
- Син минің сөзім иссен, сахар аларзын,— чоохтаан хызычах.
- Чалғыс сахарны ла пиринер...
- Син ис пеер,— имні іспезен, син ўреп паарзын...
- Касторканы іскенче, ўреп парим...
- Анчада хызычах улуғлар ўнінен хазырланып тапсаан:
- Пурнун чап, потолоксар көр... Пір, ікі, ўс.
- Ол, Буратиноның ахсына касторка урыбысхан, сах андох сахар кизегезі суғыбызып, охсаныбысхан.
- Ана паза ниме чоғыл...
- Прай чаҳсы ниме хынчан Артемон адай, тізен, хузуруғын ызырынып, хуюн чіли, көзенек алтында айлахтантанған.

Көк састьғ хызычах Буратиноны үгредерге хынча

Буратино иртенгізінде ағырбаан даа чіли хазых паза чаҳсы көгліг үсхунған.

Көк састьғ хызычах аны садта кёклө ідізі тұрғысхан кіичек стол кистінде одырып сағаан.

Ол сырайын чаҳсы чуунтыр, пурнучаанда паза наахтарында чаҳаяхтар тозыны.

Ол, Буратиноны сағып, чархастығ өрбекейлерні хыя сүрген:

— Че хыя парынар, чархастығ полбаңар...

Ағас оолғычахты пазынаң азаана читіре андып, сырайын чырыа тудынған. Аны стол кистінде одыртып, кічишек чірчечекке какао ур пирген.

Буратино, стол кистіне одырып, азаан позының алтына суххан. Миндалынаң иткен пирожнайларны ол ахсына пүкүлінен суххлаан, оларны тайнабин даа азырглаан.

Варенъеліг вазаа ол, салааларынаң кіріп, салаала-рын хынып киліп сорған.

Хызычах кири хұртычахха көп нимес чічен ниме тастир ўчүн хыя айланарынаң, Буратино, кофейникті хаап алыш, аның тумзиинанаң прай какаоны ізбіскен.

Чачап парып, какаоны скатертьке төгібіскен.

Анчада хызычах хатығланып ағаа chooxтаан:

— Азаанарны стол алтына түсіріңер. Холнаң чі-бенер, ниме чирге самнахнаң пилкелер пар.

Хызычах тарынғанынаң кіrbіkтерін топлатхан.

— Чахсы идіп, chooxтанардах, сірерні кем воспитывать полча?

— Пірееде Карло паба воспитывать полча, пірееде—пір дее кізі.

— Амды сірерні мин воспитывать поларбын, ис-тинер.

„Че урунмасха ам урундым ноза!“—сағын салған Буратино.

Тура ибіре кічишек хусхаңтар соонан Артемон адай чүгүрген. Хусхаңтар ағастарға түсселер, ол пазын чоғар тудып, чоғар сегірген паза улуп киліп ўрген.

„Хусхаңтарны чахсы сүрчettір“,—істі койген Буратиноның.



Буратино, стол кистінде амыр одырганға анын прай иді сірлескен.

Стол кистінде амыр одырганға анын прай иді сірлескен.

Че иреелестіг иртенгі азырал тоозылды. Хызычах ағаа какаоны пурнуңнаң чызыбыс тіп chooxtaan. Көгенегіндегі сабығларны паза бантиктерін чаза тудып,

Буратиноны холынаң хаап, туразар воспитывать поларға апарды.

Көгліг Артемон адай, тізен, отта чүгүріп ўрген, хұсхақахтар, аннаң пір дее дее хорыхпин, көгліг сыйрысханнар; чилічек ағастар ўстүнче көгліг учуххан.

— Тарыптарынарны суур салынар, сірерге чаҳсы куртка паза станычах пирерлер,—теен хызычах.

Төрт портной—Сыбырачаң тіп аттығ тапсабас чалғыс рак, пазында чацағастығ хуба Тобырғы, мүўстіг тіп аттығ улуғ хүрт паза Лизетта күске—хызычахтың иргі көгенектерінен оолғычаахса сіліг костюм тіккеннер. Сыбырачаң пысхан, Тобырғы тумзиинан ўтеп тіккен, мүўстіг кизін азахтарынаң чіп субап хатхан, Лизетта ол чіпті кизе ызырган.

Буратиноға хызычахтың иргі кибінен тіккен кипті кизерге уядыстығ полған, че, хайди идерзе, кизерге киліскен. Пурнунаң сыылап ала, ол төрт алтын ахчазын наа куртказының ізебіне өзіншінде ызырган.

— Амды одырынар, холынар алнынарға сал салынар. Пүгрелбенер,—choохтаан хызычах, анаң киzek мелічек алып алған.—Піс арифметика ўгренербіс... Сірернің ізебінерде ікі яблоко...

Буратино, койтіктеніп, хараан сыйыныбысхан:

— Чойланмаңар, пір дее чоғыл...

— Мин choохтапчам,—чаҳсы тудынып, пазох тапсаан хызычах,—че сірернің ізебінерде ікі яблоко ползын. Хайдағ-да кізі сірерден пір яблоко алыш алтыр. Сірерде нинче яблоко халтыр?

— Ікі.

— Чахсылаан сағынып алынар.

— Мин хайдағ даа кізее, ол тудысса даа, яблокам пирбеспін!

— Сірер сан санап пір дее пілбес одырзар,—пичелге түзіп, хызычах чоохтанды.—Диктант пазарбыс.

Ол, сіліг харагастарынац потолоксар андып, теен:

— Пазынар: „Роза Азорның азаана түс парған“. Пастар ба? Амды аны тіскер хығырыбызынар.

Піс пілчебіс, Буратино перо даа, чернильница даа пір дее көрбеен, ноза.

Хызычах, „Пазынар“ тиирінен, ол сагамох чернильницаа пурнун суғыбысхан, аның пурнунаң чаңынға чернила тамчылад парғанда, уғаа тың хорых парған.

Хызычах холларын сабынған, аның харагастарының қазы тоолап парған.

— Сірер нимеे чарабас сох кізізер, сірерні چарылға кирек.

Ол көзенектен хысхырган:

— Артемон, Буратиноны харасхы чуланзар апар сал!

Чахсы хылыхтығ Артемон, ах тістерін ырсайтып, ізікте көрінген. Буратиноны курткачаанац хаап, төдір-төдір полып, чуланзар сөзірген, аның пулуннарындағы ірімшік чіптерінде улуғ ірімшіктер хыстылтырлар. Аны чаап салып, чахсылаан хорғыдар ўчён ыыранған, анаң пазох хұсхақтар соонац чүгүрібіскен.

Хызычах, көклюлернің сіліг органына чада түзіп, ағас оолғычақты іди жатығ пыролааның аяп, ылғабысхан. Че кізіні ўгредіп пастаанды, читіре ўгредерге кирек.

Буратино харасхы чуланда тімелген:

— Хайдаг сағызы чох хызычақтыр... Воспитывать полчан кізі, кирек ол мағаа. Позының пазы фарфор, көксі ватанац тігілген.

Чуланда, кем-де оогазах тістерін хычыратхан чіли, ніскечек ығырас истілген:

— Истек, истек...

Ол, чернилаа піделген пурнун чоғар көдіріп, потолок алтында тоңхар хыстылған чар ханатты көрсалған.

— Сағаа ниме кирек?

— Буратино, харааны сағып ал.

— Амыр полынар, амыр,—пулуннарда ірімшіктер сығдырасханнар,—сөзірбелерібіске тәнменер, сеектерібісті чочытпаңар...

Буратино, одылған корсокка одырып, наағын холынаң таянған. Ол мыннаң даа чабал нимені көрген, че сын нимес кирек аны тарындырған:

— Паланы іди ўгретчен меге?.. Ол иреелес, че ўгредіг нимес... Піди одырба, піди чібе... Пала, хынза, букварьны даа пілбинче полар,—ол, тізен, чернильницаа перо суғып пастырча... Адай, тізен, хусахақтар соонан чүгүрче полар.

Чар ханат пазох сығдыраан:

— Буратино, харағызын сағып ал, мин сині Алығлар Страназына апарам, анда сині нанчыларың, хоосханаң тұлғү, часка паза көглес сахтапча. Харааны сағы.

Буратино Алығлар Страназында пол парча

Көк састьғ хызычах, чуланның ізиинзер киліп, сурған:

— Буратино, минің нанчым, сірер пыросынчазар ба?

Буратино тарынчах полған, ағаа хоза аның сағызында пасха ниме полған.

— Кирек мағаа пыросынарға! Сағып полбассар...

— Андағда сірер чуланда иртенге читіре одырарзар...

Хызычах, аар тыныбызып, парыбысхан.

Хараа пол парған. Тура хырында Тасха хатхыр сыххан. Паға, ай қарытчатхан сұғларча чылар ўчүн харнынаң петлеп, пол алтынаң сығара чыл килген.

Хызычах, сіліг органына чадып, ачырганып илееде ылғаннаан.

Артемон, тумзииң хузуруғы алтына өзүштеп, аның узучан туразының ізігі хыринда өзүпчатхан.

Турачахтағы маятниктіг часы орты харааны сапхан.

Чар ханат потолоктаң түзіре сегірген.

— Че, Буратино, чүгүр!—аның хулаана чыхла-бысхан.—Чулан пулиинда пол алтына кірерге күскелер чолы пар... Сині пүгічекте сағыпчам.

Ол көзенектен сығара учукыбысхан. Буратино, ірімчік сөзірбелерінде сырбалып, чулан пулиинзар чүгүрген. Ірімчіктер ағаа чабалланып сыйласханнар.

Ол күскелер чолынаң пол алтына чылған. Чол ніскеден ніске пол париған. Буратино чир алтынаң чадап ла ирткен... Кинетін ол пазынаң тоңхар пол алтына кире түс парған.

Анда ол күске тутчан ҳахпанға сала кір парбаан, столовайдағы ырағадаң сүт ізіп алған, чыланның хузуруғын пазыбысхан, анаң хоосха сыхчан чирден пүгічексер сығара сегірген.

Көк порчолар ўстүнде пір дее суум-саам чох charganat учух чөрген.

— Буратино, минің соомнаң Алығлар Страна-зына!

Чар ханаттарының хузуруғы чоғыл, аннаңар хус

чіли, көні учухпинча, че перепонкалығ ханаттарынаң өзіншілік паза төбін учухча, айналашса да төй; чолда урунған сеектерні паза хараа учухчаң өрбекейлерні тудар, ызыраң паза тіріге азыраң ўчүн аның ахсынан даа азых.

Буратино чар ханаттың соонан отча мойнына читіре өл пол парып чүгүрген; өл порчолар аның наағына сабылғаннар.

Кинетін чар ханат, терпек айзар пәзік сегіріп, аннаң кемге-де хысқырған:

— Ағыл килдім!

Буратино, сах андох пәзік чардан тоғлахтанып ала тоңхар парған. Тоғлахтанып, тоғлахтанып ол хазалчых оттарға петли түскен.

Харахтарын торспайтып, прай сызырыл парған Буратино одыр салған, ахсына толдыра хум кір партыр.

— Ух, синзін ное!..

Аның алнында Базилио хоосханаң Алиса түлгү турыбысханнар.

— Махачы хорыхпас Буратиночак айдан түс килді ни зе,—теен түлгү.

— Хайди ол тіріг халған,—көй чох чоохтан салған хоосха.

Буратино, хоосханың он азағы иснең орал парғаның, че түлгү—прай хузуруғы паға көбігінен підел парғаның көріп, чіглен парған даа полза, иргі таныстарына өрін парған.

— Чабал ниме чахсынаң хада чөредір,—choохтанған түлгү,—син ирееленген дее ползан, че Алығларның Страназына читтін...

Ол хуруп парған чұлышах кизіре чатхан саялған тахтазар азаанаң көзіткен,

Чұлышахтың тігі саринда сөп-сап аразында арали саял парған турачахтар, салаалары сынғап парған ағастар паза тігдер-мындар хыйыс парған колоколь-нядар көрінгеннер...

— Пу города тозан түгүнен тігілген Карло паба чарир саблығ курткалар садылчалар,—чалғанып ала ырлаан түлгү,— сіліг сырлалған сомычахтығ азбукалар... Ах, хайдағ тадылығ пирогастар паза ағас пазына сазылған тадылығ петуғастар садылчалар! Син, чахсы Буратиночах, ахчақахтарың қідірбеезің, я?

Алиса түлгү аға турарға полысхан; азғын өллең алып, аның курткачаан арығап, аны талал парған таҳтача чидінген.

Базилио хоосха, мёнек тудынып, соонаң ахсан-нап париған.

Орты хараа даа полза, Алығлар Городында пір дее кізі узубаан.

Хыйыс-хойыс, кірліг улицаға түктерінде хазалчых от хазал парған түреп адайлар чёрчеткеннер, олар астап изееннер:

— Э-хе-хе...

Хабыргаларында түгі чох ёскілер тротуар хазындағы тозынығ отты отааннар, содан хузурухтарын пулғааннар.

— С-а-а-а-а-й...

Пазын мёнек тудынған інек турчатхан; аның сёйктері теерізі тобыра арсайысчатханнар.

— Ир-е-е-е-лес...—кёө чох чоохтанчатхан.

Палғастығ тылолар ўстүнде түгі чох хусхачахтар одырчатханнар. Олар учухпааннар...

Чұлышын хузурухтығ таңақтар өзёккеннеріне иленнес турғаннар...

Че чол пірікчеткен чирде ўс пулунның слепеліг, мойныларында хазалчых пағылғ хазыр полицејскай адайлар чіке турғапчаттырлар.

Олар өзікчеткен чуртағчыларны чабал хырысханнар:

— Ирт! Он саринзар тут! Тохтабин ирт!..

Тұлғү Буратиноны улицаға ырах апарған. Олар тротуарча чёрчеткен пәрігестіг тізі хоосхаларны холтыхтаан алтын очкиліг тох іргек хоосхаларны көр салғаннар.

Тұмзуғын чоғар тудынған торспах Тұлғү—пу городтың губернаторы күлетеп чөрген, аның хости азағында порчо тудынған улуғзырхос тұлғү хат пастыр чөрген.

Алиса тұлғү сыйырабысхан:

— Пу ахаларын Таңнастығ Чазыда таарып салған чон күлетеп чёр... Пүүн ахча таарычаң түгенің күн. Иртенгее читіре син көп ахча чып аларзың, анаң ағаа ниме хынзан, аны садып аларзың... Чапчаң пардаан...

Тұлғүнен хоосха Буратиноны одылған ідістер, талалған маймахтар, тиік калошалар паза чыртых истер чатхан чазызар ағыл килгеннер... Пос постарына ҳарып полып, олар тыдырас сыйханнар:

— Оймах хас.

— Ахчаларың сал.

— Тус чачыбыс.

— Салбыхтан сүр сузып, чахсылаан сүглабыс.

— „Крекс, фекс, пекс“ тиирге ундуба...

Буратино чернилаа підел парған пурнун тырбан салған.

— Сіреп ырах-арах парыңар...

— Худайымай, піс ахчаң хайди көмчектенің көрпеге дее хынминчабыс!—теен түлгү.

— Худай арачылазын!—chooxtanfan хоосха.

Олар, ырах нимес нандыра парып, сөп-сан кистінде чазыныбысханнар.

Буратино оймағас хас салған. Сыбыранып ўс хати „крекс, фекс, пекс“ тіп, төрт алтын ахчазын салып, оймахты көм салған, ізебінең көп нимес тус сығарып, ўстүне тус чачыбысхан. Салбахтан озынаң суғ сузып, суғлап сыххан.

Амды ағас жаған ѿзерін сағып одыр салды...

Полицейской адайлар Буратиноны хаап алчалар, ағаа пір дее тапсирға пирбинчелер

Алиса түлгү Буратино узириға чөрібізер тіп сағынған, че ол пурнун сёөлдіріп, сөп ўстүнде сағып одырчатхан.

Алиса, анчада хоосханы хадағда турғызып, позы чағынғы полицейской пәліксер чүгүрібіскен.

Анда тамкы түдүні тол партыр, прай чернилаа підел парған стол кистінде дежурнай адай хорлап-чатхан.

Түлгү сибер ўннең ағаа піди теен:

— Махачы дежурнай господин, ибі-сибі чох пір оғырычаңы тударға چарир ба? Пу городтағы прай пайларға паза چахсы чонға улуғ хорғыс полыбысты.

Уйғузынаң дежурнай адай уғаа тың ырыаныбысхан, түлгү ўрүқ парған.

— Оғырычаам! Гам!

Тұлғү хорғыстығ оғырычах—Буратино—чазыда тіп choохтап пирген.

Дежурнай, ырыанып ала, сыйдырадыбысхан. Тұразар ікі істегчі адай кире хонған, олар узубачаннар даа, пір дее кізее киরтінмеченнер, постарына даа чігленченнер.

Дежурнай хорғыстығ оғырны тіріге алай өліге полицейской пәліксер ағыл килерге оларға чаһығ пирген.

Істегчілер ағаа хысхақах нандырғаннар:

— Таф!

Олар, кизін азахтарын хабырғали пазып, чазызар соплада халғаннар.

Түгенчі чүс хаалағны олар харныларынаң чызынғаннар, анаң ікізінен, пір санай Буратиноға сегіріп, аны холтиинанаң хаап, пәліксер сөзіргеннер.

Буратино азахтарынаң тебінген, нименің ўчүн choохтириға тіп алданған. Істегчілер нандырғаннар:

— Анда ўзўрерлер...


Тұлғүнен хоосха, чубанмин, төрт алтын ахчаны чирден қазып алғаннар. Тұлғү ахчаны сүменен ўлестірген, аннаң хоосхаса пір ле ахча, позына, тізен, ўс ахча киліскен.

Хоосха табыс-тубыс чох аның сырдайына тыныбысхан.

Тұлғү аның азахтарынаң хапхан. Олар, ікізі дее тудызып чазыча тоғлахтанғаннар. Хоосханаң тұлғүнің түгі ай чариинда килкім кизекнен толаан.

Олар, тосханча тудызып, ахчаны тиң ўлезіп алыш, олох хараа городтан тизібіскеннер.

Ол арада істегчілер Буратиноны пәліксер читір-



Істегчілер, аны хаап алып, город тастына сығарып,
тахтадаң кірліг суғзар тастабысханнар.

геннер. Дежурнай адай, стол кистінен сығып, аның ізептерін позы хасхан.

Дежурнай, кизек сахарычахнаң паза миндалънаң иткен пирожнайның унахтарынан пасха ниме таппин, Буратиноға абағырған:

— Син ўыро иткезін, уяды чох: син — ибі-сибі чохсың, паспорты чохсың паза тоғызы чохсың. Аны город озариина апарып, суға тастабызынар.

Істегчілер нандырғаннар:

— Тяф!

Буратино Карло пабазынаң позының киректеріненер чоохтирга сынанған. Че тикке ле! Істегчілер, аны хаап алып, город тастына сығарып, тахтадан толдыра пағалығ, хурттығ, кірліг тирем туға тастабысханнар.

Буратино туға петлеп халған, туғ ўстүнде ёскен көк от аны түу чабысхан.

*Буратино туғда
чұртапчатханнардаң танысча,
төрт алтын ахчаның чіт
парғанынаңар піліп алча паза
черепаха Тортиладаң алтын
клўзек алча*

Ундубанар, Буратино ағас кізічек полған, аннаңар ол сүр алтына түспеен.

Андағ даа полза, ол, тың хорығып, прай көк от-ха сырбала путхал парып, сүр ўстүнде ўр чатхан.

— Аны ибіре туғ чуртағчылары чылысқаннар: педек харыннығ, алығ хара головастиктер, кизін азахтары искее тőй сұғда чуртациян хара хоостар, пиявкалар, урунған на нимені чічен, киліссе постарын даа чічен личинкалар паза өң-пасха оғазах инфузориялар.

Головастиктер, аны хатығ ирнілерінен хылчыхтап, пörігіндегі чачағасты тайнааннар. Пиявкалар курткацааның ізебіне кіргеннер. Пір хара хоос Буратиноның сұғдан пöзік сығара көрінчेतкен пурнуна нинче-нинче хати сыххан, аннаң хáрачхай ла чіли, сұғзар сегірген.

Оғазах инфузориялар, сöёлінізіп, түгічектерінен табырах тітіреп, ол түгічектер оларның холлары паза азахтары полғаннар, пірее чічен ниме хаап аларға сіренгеннер, че постары хара хоостың личинкаларына чідірткеннер.

Буратиноны прай ол ниме чархандырған, ол эчектерінен сұғны сапхлабысхан:

— Хыя чёрінер! Мин сірерге ёлғен хоосха ни-меспін.

Туғ чуртағчылары пытыраза халғаннар. Ол, тізен, түнере айланып алып, чўс чёрібіскен.

Сұғда ёсчен хызыл кök чаҳаяхтарның тегілек пүрлерінде ай чарииңда улуғ ағастығ пағалар одыр-чатханнар, олар Буратиноны торспах ҳарахтарынан андааннар.

— Хайдаг-да хурт чўзіп одыр,—тапсаан пірсі.

— Пурну турнани осхас,—тапсаан ікінчізі.

— Ол талай пағазы,— ўзінчізі тапсаан.

Буратино тынанып алар ўчүн сұғ чаҳаяғының улуғ пүріне сыйып алған. Тізектерін холларынан тын

тудынып алыш, одыр салған, анаң тістерін торсладып тапсаан:

— Прай оолғычахтар паза хызычахтар, сүт ізіп алыш, чылығ органахтарында узупчалар, чалғыс мин не ёл пүрде одырчам... Пағалар, піреे чічен ниме пиріңдердек...

Пілчезер, ноза, пағаларның ханы соох. Че андағ даа полза, чүректері пар. Буратино, тістерін торсладып, позының хомай киректеріненер қоохтап сых-ханда, пағалар, пірсі пірсінің соонаң тура сал киліп, кизін азахтарын на чалтырадып, тұғ түбінзер сомыбысханнар.

Олар аннаң ёліг хара хоосты, тырлос ханадычаан, пір кизегес паға кибегін, кіличек рак бүргенін паза чызып парған нинче-де чилегечек ал килгеннер.

Прай ол чічен нимені Буратиноның алнына сал салыш, пағалар пазох. чаҳаях пүріне сегірібізіп, торспах харахтығ улуғ аастығ пастарын көдіріп, тас ла чили одырыбысханнар.

Буратино, пағаларның сыйығын чыстап, чіп көрген.

— Минің хузарым килче,—тапсаан ол,—хайдағ чабал нимедір!..

Анчада пағалар пазох пір саңай суға сомысханнар...

Тұғ ўстүндегі көк от ылбаннабысхан, аннаң улуғ, хорғыстығ чылан пазы сых килген. Ол Буратино одырчатхан пүрзер чүс килген.

Буратиноның хорыхханнаң пöрігіндегі чачағас чіке тур килген. Ол хорыхханнаң сала суға ойдас парбаан.

Че ол чылан нимес полған. Ол пір дее кізее хорғыстығ нимес, майың харахтығ Тортала черепаха полған.

— Ах, син миизі чох, хысха сағыстығ киртінчек оолғыча!—тапсаан Тортила.—Сағаа ибде одырып, чахсы ўгренерге харазарға кирек! Син, тізен, Алыг-лар Страназына килгезің!

— Мин Карло пабама кёбдин ахча анирга хын-ғам, ноза... Мин чахсы, сағыстығ оолғычахпын...

— Синің ахчанны хоосханаң түлгү оғырлап па-рыбысханнар,—chooxtaan черепаха.—Олар, туғ хыри-наң чүгүр парирып, сұғ ізерге тохтааннар. Мин ис-кем: олар, синің ахчанны хазып алып, аның ўчүн хайди тудысханнарынан мақтанысханнар... Ох син, миизі чох, хысха сағыстығ киртінчек оолғыча!..

— Кізіні хырыспин ағаа полызарға кирек,—тімел-ген Буратино.—Мин амды хайди поларбын?... Оо-ой-ой!.. Хайди мин Карло пабама айланарбын? Ай-ай-а!..

Ол, харажтарын мунзурухтарынаң чызынып, уғаа аястығ ылғаан, аны истіп, прай пағалар улуғ тын-ғаннар:

— Ух, ух... Тортила, кізее полыс пир.

Черепаха, айзар ўр көріп, ниме-де сағынған...

— Пір хати мин мына підәк пір кізее полысхам, ол, тізен, минің уучамнаң паза ағамнаң черепаха тар-фаҳтар ит салған,—chooxtaan ол. Анаң пазох айзар көр сыххан.

— Че хайди идерзе, одыр мында, кізічегес, мин сұғ түбінде чүс көрим, хынза, пірее тузалығ нимечек таап алам.

Ол, чылан пазын чыыра тартып, ағырин сұғ ал-тына түс чөрібіскен.

Пағалар сыйырасханнар:

— Тортила черепаха улуғ қазытты піледір.

Үр, үр полған. Ай хыраннар озарина айланыбыс-хан... Пазох көк от тартыл парған сұғ солбырабыс-хан, ахсында кіичек алтын клўзек тудына, сұғдан черепаха сых килген.

Ол клўзекті Буратиноның азагы хыринда пүрге сал салған.

— Минізі чох, хысхачах сағыстығ киরтінчек алығ кізічек,—теен Тортила, тұлғуңең хоосха синің ахчаларын оғырлаанына пичеленме. Мин сағаа пу клўзекті пирчем. Аны узун сағаллығ кізі туға түзірібіскен, сағалы ағаа чөрерге харығ полбазын тіп ол аны ізебіне сух салған. Ол, миннен пу клўзекті сұғ алтынаң таап пир тіп, уғаа тың сурынған!..

Тортила улуг тыныбысхан, түрче сым полған, анаң пазох тыныбысханда, сұғда көбіктер көрінген...

— Мин ол туста минің уучам паза ағам ўчүн кізілерге уғаа тарыңчах полғам, аның ўчүн мин ағаа полыспаам. Кізілер уучамның, ағамның сөбігінен чепеңе тарғағы ит салғаннар ноза. Сағаллығ кізі пу клўзектенер мағаа көп chioхтаан, че мин прай ундуп салғам. Пу клўзектен хайдар-да ізікті азыбысса, ол часка ағылар тиенін не ундубаам...

Буратиноның чүрегі сабыл сыххан, харахтары чылтырабысхан. Ол сах андох прай хомай нимені ундуп салған. Күрткачаа ізебінен пиявкаларны сығарып, андар клўзекті сух салған, Тортила черепаханы паза пағаларны аарлап алғыстаан, анаң چарзар чүзібіскен. Хачан ол харасхы көлеткі полып көрінгенде, пағалар аның соонаң хысхырысханнар:

— Буратино, клўзекті чідірбе!

Буратино, Алығлар Страназынаң тизіп, саайда арғызына тоғасча

Тортила черепаха Алығлар Страназынаң чолны көзіт пирген.

Буратино харағы хайдар көрзе, андар чүгүрген. Хара ағастар озариинда чылтыстар чылтырасханнар. Чол ўстүнде хаялар турғаннар. Тағлар аразындағы өзенге тубан тұскен.

Кинетін Буратиноның алнында пора тегілек нимечек сегіре тұскен. Сах олох туста адай ўргені истілген.

Буратино хаязар чапсыра турыбысхан. Аның хыринан, пурнуларынаң сорхыннап, Алығлар Страназындағы ікі полицейской адай хуюн чіли ирткеннер.

Пора тегілегес чолдан хыя иніс төбін сегірген. Адайлар—аның соонан.

Хачан азах топладыс паза адай ўрізі ыраанда, Буратино табырах ўқұс салған, чылтыстар ла хара салаалар соонаң табырах-табырах чўскеннер.

Кинетін пора тегілегес чолны пазох кизіре чүгүрген. Буратино көр халарға маңнанған, пора тегілегес хозан полтыр, хозанға хуу сырайлығ кіичік кізічек алтан салтыр, хозанның хулахтарына холларынаң чапсынтыр.

Чардаң тазы чахтар тоолап сыйханнар,—адайлар хозанның соонаң чолны кизіре чүгүргеннер, анан пазох сымсырых пол парған.

Буратино уға табырах чүгүрген, амды чылтыстар, сағызы сыйхан кізі чіли, хара салаалар соонаң ойласханнар.



Буратино көр халарға маңнанган, пора тегілегес хозан полтыр, хозанға хуу сырайлығ кічічек кізічек алтан салтыр, хозанның хулахташына холларына қапсынтыр.

Пора хозан чолны ўзінчізін ирткен. Кічічек кізічегес, пазынаң салаға ілініп, хозан аргазынан аңдарылып, Буратиноның азагы алнына петли түскен.

— Ррр-гаф! Тут аны!—хозан соонан полицейскай-лар чүгүрібіскеннер; оларның хараҳтары уғаа тарын-чах полғаннар, аннаң Буратиноны даа, хуу сырайлығ кізічекті дее оннабааннар.

— Анымchoх, Мальвина, саңайға анымchoх!—ылған-нап сыңыраан кізічек.

Буратино, мёкейіп көрзе, узун ніңніг ах көгенектіг Пьеро полтыр. Буратино таңнап таа парған.

Пьеро оймарта пасхан терпек орында тоңхар чатчатхан, ол, ол пардым тіп, чұртынан анымchoхта-зып, піди chioхтанчатхан:

„Анымchoх, Мальвина, саңайға анымchoх!“

Буратино аны сіліккен, азаанан тартхлаан,—Пьеро хыймырабаан. Анчада Буратино, ізебінде халған пи-

явканы таап алып, аны тынминчатхан кізічектің пурнұна салған.

Пиявка, ўр дее сағынмин, аны пурнунаң ызырыбысхан. Пьеро табырах одыра түскен, пазын тудынған, пиявканы азыра тартып, өстебіскен.

— Ах, мин ам даа тіріг полтырбын!

Буратино, аның ах тос осхас наахтарына тыныбызып, аны охсанған, анаң сурағлаан:

— Син пеер хайди килгезің? Син ноға пора хозанға алтанып чүгүргезін?

— Буратино, Буратино,— нандырған Пьеро, хорығып хайбаңнаан,— табырах мині қазырдах... Адайлар пора хозанны нимес, че мині сүріскеннер.. Карабас Барабас синьор мині хараа-күнбортे істесче. Ол, Алығлар Городында полицейской адайларны чаллап алып, мині тіріге бе алай бліге бе тударға харғанған.

Илееде ырах чирде пазох адайлар ўргеннер. Буратино, Пьероны нинен хаап, чыстығ тегілек сарығ порчоларнан туу چабынған мимоза чаҳаяхтарзар сөзір парған.

Пьеро, андағы чызып парған пүрлерде чадып, ағаа сыйырап chooxтаан:

— Ис, Буратино, пір хараа чил түскен, наңмыр, көнектен урган чіли, чаған...

Пьеро, хозанға алтанып, Алығлар Страназында хайди пол парғанын chooxтапча

— Исчезін ме, Буратино, пір хараа чил түскен, наңмыр, көнектен урган чіли, чаған. Карабас Барабас синьор, пес хыринда одырып, ханзалығ тамкы

тартыпчатхан. Прай кёклөлер узупчатханнар. Мин чалғызаан на узубаам. Мин кёк састығ хызычаңтар ар сағынғам...

— Хайдаг алығзың, тапхазың кемненер сағынара!—аны тохтатхан Буратино.—Кичеे иирде мин ол хызычаңтың ірімчіктіг чуланынаң тизіп чүгүргем...

— Хайди? Син кёк састығ хызычаңты көргезің ме? Син минің Мальвинамы көргезің ме?

— Көргебін—хомай хыс! Ылғаш паза кізее сыйн- чах хызыча...

Пъеро, холларын пулғап, тура хонған:

— Мині андар апар... Син мағаа Мальвинаны табарға полыссан, мин сағаа алтын клүзектенер choox- тап пирем...

— Көрдек!—Буратино брініп хысхырыбысқан.— Син алтын клүзектенер пілчезің ме?

— Ол клүзек хайда чаттатханың, аны хайди та- барын, анынаң хайди пір ізікті азарын пілчем... Мин пір қазыт нимеденер искем, аннаң Карабас Барабас синьор мині полицейской адайлығ кілепче.

Буратино ол пасхачыл клүзек позының ізебінде чатча тіп сағамох махтанарға хынған. Че ол, артых- пузух суулабим тибес, пазындағы побриичеен суурып, аны ахсына тығысқан.

Пъеро аны Мальвиназар апар тіп сурынған. Бу- ратино алғы оолағасха сағам харасхы, хорғыстығ тіп, таң چарып килзе, ол хызычаңсар чүгүрербіс тіп салааларынаң улап кбзіткен.

Пъероны мимоза чаҳаяхтар кистіне қазындырып, Буратино амыр ўннен қоохтанған, анын ахсы пёрі- геснен тығылған ноза:

— Шоохта...

— Кирек мындағ — пір хараа чил түскен...

— Син аны choхтаазын...

— Истек, — choхтанған Пьеро, — мин узубин чат-чатхам, кинетін истіп салғам: кем-де көзенек сабыс-хан...

Карабас Барабас синьор тімелген:

— Мындағ чабал күнде хайдағ айна чёр тур?

— Миннің — Дуремар, — көзенек тастынаң нандырғаннар, — имнег пиявкалар садығчызыбын. Мағаа кибім хурудынып аларға чарадынар.

Миннің имнег пиявказын сатчаң кізі хайдағ поладырғаның көрерім уғаа тың килібіскең. Мин, көлче көзененің пулиин хазырып, пазым комната зар сухтым. Көрзем: Карабас Барабас синьор, одырчығынаң турып, азаанаң сағалын пазыбысхан, сёккленібізіп, ізік азыбысхан.

Чырылған миске осхас кічиқек-кічиқек тырыс сырайлығ, узун, өл киптіг кізі кір килген. Иргі ноған пальтолығ полтыр, хурунда хысхыстар, хармахтар, позығлар ілтір. Холында тимір банка паза сачок тудынтыр.

— Сірернің істінер ағырча полза, — choхтанған ол, ағазы ортызынаң сын парған чіли мёкейіп, — сірернің пазынар тың ағырча полза, алай ба хулааңар хазалча полза, мин хулааңар кистіне чарым дюжин маңат пиявкалар турғыс пирем.

Карабас Барабас синьор тімелген:

— Айна-чикке дее пар, пиявка кирек чоғыл! От хыринда нинче кирегінче чылыныңар.

Дүремар ағазынаң песке чөлөнген.

Сах андох аның ноған пальтозынаң оор пурлаан, палар чыстаныбысхан.

— Пиявкаң садығ хомай парча,—choохтанған ол пазох.—Сірернің сёйктерің сыстасча полза, мин пір кизек соох ит паза пір чірче араға ўчүн сірернің пудунарға дюжина маңат пиявкачаҳтар турғызыар-чыхын...

— Айна-чикке дее пар, пиявка кирек чоғыл!—хысхырыбысхан Карабас Барабас.—Чінер сосха идін, ізіндер араға.

Дуремар ит чіпчеткенде, аның сырдайы, резина ла чіли, чырылған паза чазылған. Ол, азыранып, араға ізіп алып, көмес тамкы сурған.

— Синьор, мин тохпын, чылынып алдым,—теен ол.—Сірернің чаҳсынар ўчүн мин пір чазыт ниме чоохтап пири.

Карабас Барабас, ханзазын сорып-сорып, нан-дырған:

— Чир юстүнде мин пілерге хынчатаң чазыт ниме пар. Аннаң пасхазын мин пілерге хынминчам.

— Синьор,—пазох чоохтанған Дуремар,—мин пір чазыт ниме пілчем, аны мағаа Тортала черепаха чоохтап пирген.

Ол ла сёстерні испинен, Карабас Барабас, хаraphтарын торспайтып, азах юстүне тұра хонған, сағалына сырбалып чочып парған Дуремарға чүгүр киліп, аны позындар чапсыра тартып, пуға ла чіли, абағырыбысхан:

— Қашсы Дуремар, уғаа аарлығ Дуремар, сағаа Тортала черепаха ниме искіргенін табырах чоохтада!

Анчада Дуремар ағаа мындағ ниме чоохтап пирген:

— Мин Алығлар Городы хыриндағы пір кірліг түғда пиявкалар тутхам. Күнде төрт сольдоға мин

пір чох кізіні чаллаам,—ол, чалаастанып, мойнына читіре туғзар кіріп, аның чалаас идіне пиявкалар хазалғанча сүгда турчан. „Хачан ол чарға сыхса, мин, ағаа хазалған пиявкаларны чыып, аны пазох туғзар ысчашын.

Іди піс илееде пиявкалар тудып алғаныбыста, сүғдан кинетін чылан пазы сых килген.

— Дуремар, истек,—chooxtanfan ол пас,—син пістің уғаа сіліг түгнің прай чуртағчыларын хорғыттың, син сүг пуртактатчазың, азыранған соонда мағаа амыр тынанарға харығ полчазың... Пу чабал киректі хачан тохтадарзың?

Мин, пу олацай черепаха полғанын көріп, пір дее хорыхпин нандырғам:

— Сірернің кірліг салбахтағы прай пиявкаларны тутпаанда...

— Син пістің түгни паза тибіретпес паза пеер пір дее кілбес ўчүн мин, Дуремар, сағаа сыйых идербін.

Анчада мин черепахаа күл сыххам:

— Ах син, сүгда чүсчен иргі чемодан, сагызы чох Тортала чача, син мағаа хайдағ сыйых идерзің? Алай син азахтарың паза пазың назырчан сböк халханны пирерзің ме?.. Мин синің халханы тарғах идерге садыбызарчыхын...

Черепаха, тарынғанына прай көгер парып, мағаа теен:

— Түғ түбінде чапсыстығ клүзек чатча... Мин ол клүзекті холға кирер ўчүн прай-прай нимезін пирібізер кізіні пілчем...

Дуремар ол сöстерні chooxtanfan тоосхандох, Карабас Барабас нинче пар күзінен абағырыбысхан:

— Ол кізі минмін! Минмін! Минмін! Чахсы Дуремар, син ол черепахадаң клүзекті нога албаазын?

— Кирек мағаа! — нандырған Дуремар, сырдайындағы прай тырыстарын чыыра тартынғанда, аның сырдайы хайнатхан миске осхас пол парған.—Кирек мағаа!—маңат пиявкаларны хайдағ-да клүзекке орна зарға... Анаң піс черепаханаң хырысхабыс, ол сұғдан азаан сығарып, мағаа chooxtaan:

— Ол пасхачыл клүзекті син дее, піре пасха кізі дее ал полбас—харғанчам. Харғанчам—ол клүзекті туғның прай чуртагчыларын миннен сурынарға хынған на кізі алар...

Черепаха, азаан көдіре тудып, сұғ алтына кір парған.

— Пір дее секунда чідірбин, сағамох Алылгар Страназына чүгүрерге кирек!—хысхырыбысхан Карабас Барабас, сағалының узун ізебіне суғып, пöриин паза фонарьын хаап.—Мин түф хазында одырам. Мин чалахай күлінем. Мин пағалардан, головастиктерден, хара хоостардан сурынарбын—олар черепахадаң сурынзыннар... Мин оларға пір миллион чарым симіс сеек пирерге сös пирем... Мин чалғыс інек чіли ылғирыбын, ағырығ танақ чіли өстирбін, крокодил чіли сыхтирыбын. Мин ин кіңіг пағачахтың алнында тізекке турам... Клүс минің холымда поларға кирек! Мин, городсар парып, пір тураа кіріп, пасхыс алтындағы комнатаа чидербін... Мин кіничек ізігесті табарбын,—прайзы, аның хыринча чёріп, аны оннабинча. Клүзекті замок ўдіне суғарбын...

— Ол туста, Буратино,—мимоза алтындағы чызаан пүрлерде одырып, chooxtaan Пьеро.—мин, уғаа хынығ ниме истіп салып, көзене озариинаң прай поzym сых килгем.

Карабас Барабас синьор мині көр салған.

— Син, айна, тыңнапча одырзың!—Ол, мині хаап алып, отсар тастабызарға күс салған, че пазох сағалына путхалып, одырчыхтарны андарып, полға күзүри халған.

Хайди көзенектен сыйып, сиден алтааным пілін-минчем. Харасхыда чил күүлеен, наңмыр чаған.

Пазым ўстүндегі хара пулут күгүрт чалынынан чалтырап халған, анаң на көрзем, соомда он хаалағча Карабас Барабас паза пиявка садығчызы чүгүріп одырлар... Мин сағын салғам: „Олдім“, сүрнүк парып, хайдағ-да нымзах, чылығ нимее андарыл парғам, кемнін-де хулаана чапсынтырбын...

Ол пора хозан полтыр. Ол хорыхханынаң хыс-хырыбысхан, пәзік сегіре түскен, че мин аның хулаанаң пик тудынғам, анаң піс назылар, виноградниктер, огородтар тобыра харасхыда атыххабыс.

Хачан, хозан майых парып, чірік ирнін тайни тарынып одыр салза, мин аның ҳамағын охсанчанымын.

— Че, чахсы идіп, паза көп нимес чүгүреең, порацах...

Хозан улуғ тынчаң, піс паза хайдар ла полза—пірееде он саринзар, пірееде сол саринзар чүгүрченміс...

Хачан пулуттар тарап, ай сых килгенде, мин тағ алтында тігдер-мындар хыйыс парған колокольнялығ городычахты көр салғам.

Городсар чолча Карабас Барабас паза пиявкалар садығчызы чүгүріп одырғаннар.

Хозан чоохтанған:

— Эхе-хе, ана хозан часказы хайдағдыр! Олар, полицейской адайлар чаллир ўчүн, Алығлар Городына парирлар. Че амды піс пар халдыбыс!

Хозанның көні түс парды. Тумзинан азахтарына чадып, харахтарын төбін көрген.

Мин сурынғам, ылғаам, аның азаана түскем. Хозан хыймырабаан.

Че городсартын оң азахтарында хара ис сараан чалбах, хысха пурунның адайлар чүгүріс килгенне-рінде, хозан прай теерізінен сірлезібіскен,—мин ағаа алтанарға ла маңнан халғам, хозан пазох харах-хулах чох ағас аразынча чүгүрген...

Аннаң пасхазын, Буратино, син позың көргезін.

Пьеро chioғын тоосханда, Буратино аннаң кöölче сурған:

— Клүзек асчатхан ізігес хайдағ турада, хайдағ пасхыс алтындағы комната да полар, піледірзің ме?

— Карабас Барабас аннаңар choохтирга маңнан-маан... Ах, піске пасха ба,—клүзек көл түбінде но-за... Синінен піс часка көрбеспіс...

— Мыны чи син көрдін ме?—хысхырған аның ху-лаана Буратино. Ізебінен клүзекті сығар киліп, аны Пьерионың пурну алнында айлахтандырған.—Мына ол!

Буратинонаң Пьеро Мальвиназар килчелер, че оларға сах андох Мальвинанаң паза Артемоннаң хада тизерге килісче

Хачан күн тағның хаялығ узына көдіріліп парғанда, Буратинонаң Пьеро, ағас алтынаң сығып, кичеे хараа хырна ханат Буратиноны көк састьіғ хызы- чахтың ибінен Алығлар Страназына ағылған чолча нандыра чүгүргеннер.

Пъероға күлкістіг дее полған көрерге, ол Мальвинаны көрерге маңзыраан.

— Истек,—полған на он пис секунда пазынан сурған,—Буратино, мині кörзé, öрінер бе ни зе?

— Мин хайдаң пілим...

Он пис секунда пазынан пазох:

— Истек, Буратино, ол мағаа öрінме зе чи?

— Мин хайдаң пілим зе...

Үр ниместең халхаларында күн, ай, чылтыстар хоосталған ах турачахты көр салғаннар.

Тұнýктең түдүн пурлапчатхан. Тура ўстүнде хоосха пазына тőй улуғ нимес пулудаҳ чүс чörгөн.

Артемон адай, кірлесте одырып, ол пулудаҳха ўрчеткен.

Буратиноның кöк састьғ хызычахсар нандыра кірепі килбейен. Че ол астап парған полған, ырахтынога хайнатхан сүттің чызын піл салған.

— Хызычах пісті пазох воспитывать поларға хынза, піс, сүт ізіп алып, паза мында халбаспыс.

Ол туста Мальвина турачахтан сых килген. Аның пір холында фарфорнаң иткен кофейник, пірсінде—печенье салған көрзинаача.

Аның хараҳтары ылғаанға сіс партырлар.

Ол сағынған одыр, улуғ күскелер, Буратиноны чуланнаң апарып, чіп салдылар тіп.

Хумның чолычахтағы кöклө столы кистіне одырарынаң, кöк чаҳаяхтар хыймыразыбысханнар, оларның ўстүнде ах паза сарығ пүрлер чіли örbекейлер көдірлгеннер, сах ол туста Буратинонаң Пъеро чиде түскеннер.

Мальвина хараҳтарын тың чыртайта көрібіскен,

ікі дең ағас оолаҳтар ол ҳарахтарзар сегірзелер, андар сыйып парапчыхтар.

Пьеро, Мальвинаны көр салып, хайдағ-да нимеे чарабас, алығ сөстер choохтан сыххан, аннаңар піс оларны мында паспинчабыс.

Буратино пір дең уятпин теен:

— Мына мин аны ағылдым,—воспитывать полындар...

Мальвина пу түсте нимес, че пу ҳарах алнындағы нимені онар салған.

— Ах, хайдағ часқадыр!—сыбыранған ол, че сағамох улуғлар чіли хосхан:—Оолағастар, сағамох чуунарға паза тізінерін арығлирға парыңар. Артемон, оларны хутухсар ўдес сал.

— Син көрдің мә?—тімелген Буратино,—аның пазында чуунарға, тіс чуурға ла! Арығсырхозынан хайдағ даа кізіні пу чирден хыя сүрер...

Олар іди дең полза, чуунып алғаннар. Артемон хузуруғының узындағы чачағына оларның куртка-чаҳтарын арығладап пирген.


Стол кистіне одырғаннар. Буратино ікі нағына толдыра чічен ниме тыхтаан. Пьеро пирожнайның пір кизегін дең ызырбаан. Ол Мальвиназар ҳарах албин көрген, хызычах миндалъ теерізінен иділген чіли.

Хызычахха ол ҷархастығ даа пілдір парған.

— Че,—теен анзы ағаа,—минің сырдайымда хайдағ ниме көр салдынар? Ҳарах албин андыпчазар. Чахсы идіп, амыр одырынар.

— Мальвина,—нандырған Пьеро,—мин, азыран-мин, стихтар сағынчам...

Буратино хатхырғанға тітірес сыххан.



Аңас аразынаң Карабас Барабастың пүтхал парған сағалы көрін парған.

Мальвина, таңнап парып, пазох харахтарын торспайта көрген.

— Аңдағ полза, хығырыңар стихтарын.

Сіліг холычаанаң ол, наахтарын таянып, сіліг харахтарынаң хоосха пазына төйір пулутха андаан.

Пьero, тирең хутух түбінде одырған чіли, стихтарын сөёде тартып хығырған:

Мальвина кізі чирінзер чүгүрген,

Мальвина чіт парған, минің алар хызым...

Ылғапчам, пілбінчем хайдар парчаан...

Алай кёклю чуртынаң анымчохтасчаң ма?

Пъеро стихтарын даа хығырып тооспаанда, Маль-
вина хынған стихтарын махтирга даа маңнанмаанды,
хұмнығ өзінде ходыр паға көрін парған.

Характарын хорғыстығ көрібізіп, ол chooxtanfan:

— Пүүн хараа сағызын чідірген Тортала черепап-
ха Карабас Барабасха алтын клүзектенер прай нимени
chooxtag пирген...

Мальвина, пір дее ниме оңарылбаан даа полза, хорых парып хысхырыбысхан. Пьеро прай поэттерөк осхас ундуతчыл, нимее чарабас нинче-де сөс чоохтанған, піс оларны мында паспинчабыс. Буратино, сахандох азах ўстүне сегіре түзіп, ізептеріне печенье, сахар паза конфеталар суххлап сыххан.

— Табырах арах чүгүрөн, полицейской адайлар Карабас Барабасты пеер ағыл килзелер,—піс пар халарбыс.

Мальвинаның сыралы, ах ѡрбекейнің ханады чіли, хуурта тартып парған. Пьеро, ол өлче тіп сағын палып, аның ўстүне кофейник андарыбысхан, Мальвинаның сіліг көгенегіне прай какао урыл парған.

Артемон, хайдар-хайдар ўріп киліп,—ол Мальви-
наның көгенектерін чұгчан,—Пьероны ніткезінен хаап,
аны хырсаанча сіліккен:

— Чидер, чаҳсы идіп позыттах...

Ходыр паға, прай пу нимеे торспах харахтарынаң аңдып, пазох чоохтан салған:

— Карабас Барабас полицейской адайларынаң хада 15 минутадаң пеер чиде түзөр...

Мальвина кибін алыстырарға чүгүрген. Пьеро, ачырганғанынаң холларын пулғап, хұмнығ чолға анда-рыларға оннап көрген. Артемон кип-азахтығ артын- чахтарын тазаан. Ізіктер ле тохласхан. Сігенде одырған хұсха-чахтар маңатап тыдырасханнар. Харачхай- лар чир ўстүнче учууханнар. Тасха, хорылысты хозып, хыр ўстүнде хатхыр сыххан.

Буратино ла хорылбаан. Ол ин кирек нимеліг ікі артынчахты Артемонға артып салған. Ол артынчахтарға сіліг чолда кисчен көгенектіг Мальвинаны одыртыбысхан. Пьерога адай хузуриина тынарға чахаан. Позы алнында тур салған:

— Пір дее хорылыс чох ползын! Чүгүреенец!

Хачан прай пу чон,—адай алнында хорыхпин хаалапчатхан Буратино, артынчахтар ўстүнде сегір париган Мальвина, пазына сағызы чох стихтар тол парған Пьеро,—хойығ от аразынаң түс чазаа сых килгеннерінде,—әғас аразынаң Карабас Барабастың путхал парған сағалы көрін парған. Ол, аязынаң харахтарын күн сустарынаң чазырып, ибіре-сибіре көр-глеен.

Арығ хазындағы хорғыстығ чаалазығ

Карабас Барабас ікі полицейской адай чидін салтыр. Түс чазыда тис париганнарны көр салып, ол тістіг ахсын ачыбысхан:

— Аға! — хысхырыбысхан ол, анаң адайларын салыбысхан.

Тарынчах адайлар пастап кизін азахтарынаң чир хас сыхханнар. Олар ыыранмааннар даа, тискен чонзар даа көрбин, пасха чирзер көргеннер,—олар күстерінен іди уғаа тың маҳтанғаннар.

Анаң адайлар ўрүк парған Буратино, Артемон, Пьеро паза Мальвина турыбысхан орынзар көйлче парғаннар.

Че амды ла түгенчі құн читкен чіли пілдірген. Карабас Барабас полицейской адайлар соонаң талтаңнап париған. Аның сағалы, куртказының ізебінен удаа сығып, азах алтында путхалған.

Артемон, хузуруғын чаба тудынып, тарынып ыыранған. Мальвина холларынаң сабынған:

— Хорыхчам, хорыхчам!

Пьеро, ніннерін салыбызып, амды ла прай ниме тоозылды тіп сағынып, Мальвиназар көрген.

Ін пурнада Буратино онарылған.

— Пьеро! — хысхырыбысхан ол,—хызычақты чидініп алып, хуулар чүс чөрген көлзер чүгүрінеген!. Артемон, артынчахтарын таставыс, часын суур,— тудызарзын!..

Мальвина, андағ махачы чахығны испинен, Артемоннаң түзе сегіріп, көгенегін чыны тудына көлзер чүгүрген. Пьеро—аның соонан.

Артемон, артынчахтарын таставызып, азағындағы часызын паза хузурух узында палғалған бантын суура тастаан. Ах тістерін ызырынып, идін ізідіп, сол саринзар сегірген, анаң он саринзар сегірген, соонаң ідőк кизін азахтарынаң чир күреп сыххан.

Буратино, чазыда чалғызын турчатхан Италия ха-

рағайының чухтығ хахпазынча аның узынзар сығып алып, аннаң нинче пар күзін салып, сынырада хыс-хырыбысхан:

— Аннар, хустар, хурттар! Пістің чонны сохчалар!
Пір дее пырозы чох ағас кізічектерні арачылаңар!..

Полицейской адайлар, ам на Артемонны көр салған чіли, сах андох аныңзар атыхханнар. Иптіг адай, хыя сегірібізіп, пір адайны хузуруғының узынаң, пірсін пудынаң ҳаап алған.

Адайлар, чадап ла айлан киліп, пазох Артемонзар сегіргеннер. Ол, чогар сегір киліп, полицейской адайларны алтынча иртірген, анаң пазох пірсінің хабырғазын паза пірсінің аргазын оя тартыбысхан.

Адайлар ағаа ўзінчізін сегіргеннер. Анчада Артемон, полицейской адайларны пірееде ғашын позылып, пірееде олардан хыя сегіріп, ғашыча ойлатхан.

Амды хасхайған пурұннығ адайлар, сынап тары-ныбызып, Артемонның соонаң маңзырабин, пу адай-ның тамаан ўзе-чара тартпаанда, блерден дее хорых-пин чүгүріскеннер.

Ол туста Карабас Барабас, Италия харағайынзар пастыр киліп, аны сілік сыйхан:

— Тұс, тұс!

Буратино холларынан, азахтарынан, тістерінең салаға тыныбысхан. Карабас Барабас ағасты сіліккенде, аның салаазындағы прай махаяхтар иленнезібіскеннер.

Италия харағайындағы махаяхтар, хазалчыхтар паза аарлар, олар улуғ нимес дыня синінчелер. Ол махаях пасха теңзе,—пас тың ағырап!

Буратино иленнепчеткен салаада хайди полза ла тудынған. Ол Артемон, тілін хызыл ис чіли сығарып, ағыриннаң ағырин чүгүріп одырғаның көрген.

— Клўсті пир!—ахсын азып, абагырыбысхан Карабас Барабас.

Буратино, салаача чоғар парып, улуғ махаяхха чидіп алыш, махаях одырган сапты ўзе ызыр сыххан. Карабас Барабас ағасты тың сілігібісken, аар махаях, тізен, тобін түзіп,—бах!—аның тістіг ахсына көні кір парған.

Карабас Барабас одыра түскен.

Буратино, ікінчі махаяхты ўзіп, пазох таставысхан—бах! Карабас Барабастың тигейіне, барабанға тенен чіли парған.

— Пістіңнерні сохчалар!—пазох хысхырыбысхан Буратино.—Пырозы чох ағас кізічектерге полызыарға киліндер!

Ін пурнада полызыға чар харажайхатары учух килгеннер. Олар, чабызах учуғып, адайларның тұмзии алнындағы киині чилбеп сыхханнар. Адайлар тикке ле тістерін тырслатханнар: харажай ух чіли пурнуларының хыринча учуғыбысча!

Пулуттан хоосха пазына тобой хара тигілген түскен. Ол Мальвинаа хус иді тазычан; ол, тырфаҳтарын полицейской адайның арғазына хазап, адайны чоғар көдір киліп, чирге таставысхан...

Азахтары чоғар сырдайғанынаң ханылап киліп, адай чирге петлеп халған.

Артемон, тігі саринаң пасха адайға сегіріп, аны көксінен саап, андарып алыш, ызырыбысхан, анаң хыя атығыбысхан...

Чалғыс харагайлығ қазыча пазох Артемон паза аның соонаң иреелеткен паза ызыртхан полицейской адайлар атығыс сыхханнар.

Артемонға полызыға ходыр пағалар килгенner.

Олар кирееніне харағы чох пол парған ікі ұлалыны сөзіріп одырганнар. Ұлаларға чуртирга ўр халбаан полған. Оларға хайди даа әлзелер, пасха нимес: алай ұзығ тәкпес алтында, алай турна харнында. Ходыр палалар оларны махачы әлімнен өлерге чөптеп алғаннар.

Чахсы хылыхтығ Артемон амды көні чааға кірергे тідінбіскен.

Ол, хузурина одырып, тістерін ырсайтхан.

Полицейской адайлар ағаа чапсыныбысханнар. Іди ўзбөләң ұмалахтанысханнар.

Артемон наах сböктерінен тарслатхан, тыргахта-рынаң ўзе-чара тартхан. Адайлар, ызырысха даа көрбін, пір ле нимені сағынғаннар: Артемонның тамаана чидіп, ўзе ызырыбызарға. Чазаа адай ҳанылазы паза улузы тол парған.

Артемонға полызыарға ёқтар семьязы килген: ёж позы, аның ипчізі, хазинезі, ёжтың ирге парбаан ікі چаразы паза кіничек ёж палалары.

Чылтыран алтын киптіг, сахчаң чоон аарлар учугысханнар, ыласханнар, тарынча мастар ханаттарынан сыйлааннар. Хурттар паза узун сағаллығ ҳара ҳоостар чыл килгеннер.

Прай аннар паза хустар, хурттар хырт полицейской адайларға хорыхпин чапсынғаннар.

Ёж, аның ипчізі, хазинезі, ёжтың ирге парбаан ікі چаразы паза кіничек ёж палалары, чырыл киліп крекет тегілек чили, табырах атығып, адайларның тумзухтарын інелерінен сапханнар.

Сахчаң аарлар, мастар, учук киліп, оларны сахханнар. Амыр, тапсабас хымысхалар, манзырабин, адайларның пурнұларына кіріп, андар хымысханың оолығ кислотазын позыт турғаннар.

Хара хоостар оларның кіннерін ызырганнар.

Тигілген хатығ тумзинанаң пірде пір адайның па-
зын ызырган.

Өрбекейлер паза сеектер, оларға чарыхты тул-
ғап, пулут ла чіли, оларның харахтары алнында учу-
гысханнар.

Ходыр пағалар махачы өлімнен өлерге тимде ікі
чыланны тимде тутханнар.

Мына пір адай, ахсын улуг азып, хымысхаларның
оолығ кислотазын сығара апсырыбызарға хынғанда,
харагы чох, кирі чылан пазынаң аның тамаана атых
киліп, толғанни, ахсына кире чыл чөрібіскен.

Ікінчі адайының ўлүзі андағох полған: ікінчі чыла-
ны аңзының ахсына кір парған.

Ікі адай, тынастап ала, күстері тоозылып, чирде
айлахтан сыхханнар.

Чахсы сағыстығ Артемон чаадаң чинісінің полып
сыххан.

Ол туста Карабас Барабас ахсындағы хазалчых
махаяхты хайди полза суура тартып алған.

Тигейіне махаях тененге анын харахтары сых таа
парғаннар. Ол, иленни туда, пазох харагайға тыын-
ған. Чил аның сағалын пытыратхан.

Буратино, ағас узында одырчадып, Карабас Ба-
рабастың сағалының узы, чилге көдіріліп, чухтығ
ағасха чапсын парғанын көр салған.

Буратино, салааға ілініп, аны ачырғандырып, хыс-
хырыбысхан:

— Абаачах, чит полбассын, абаачах, чит полбас-
сын!..

Ол, чирге сегірібізіп, харагайны ибіре чүгүр сых-
хан. Карабас Барабас, оолаҳты хаап аларға сіреніп,

холларын чазып, иленنى туда, агас ибіре аның соонан чүгүрген.

Іди ибір киліп, тис париған оолағасты хыйыр салааларынаң олох таа тударға чөрген. Іди ікінчізін, ўзінчізін ибірген...

Аның сағалы, ағасхა пик сырбал парып, чуххатын чапсын парған.

Хачан сағалы тоозылып, Карабас Барабас, пурнунаң ағасхა урун парғанда, Буратино, ағаа узун тілін көзідібізіп, Хуулар көлінзер—Мальвинанан Пьероны табарға чүгүрібіскен.

Майых парған Артемон, ўс азахтығ, төртінчізін чыыра тудынып, аның соонаң ахсаңап парған.

Чазыда ікі полицейской адай халған паза оларның чурты ўчүн өлген хуруғ сеек тее пирчее чох сағалынаң Италия харадайына чапсын парған кёклю наукаларының докторы Карабас Барабас халған.

Хуюда

Мальвинанан Пьеро хамыстар аразындағы сұхтығ, чылығ тылода одырганнар.

Оларның ўстүнде тырлос ханаттарынаң паза хуруп парған сарығ сеектернің сөптен парған ірімжік уязы тартылған.

Хамыстан хамысха учух чөрген кіичек көк хузучахтар, ачырғаның, ылғапчатхан хызычахсар таңап киліп көргеннер.

Ырахтын сыйт паза адай ўрізі истілғен,—ол Артемоннан Буратино тыннарын аарлыға сатчалар ни зе.

— Хорыхчам, хорыхчам!—чиохтанған Мальвина,

öl сырыйн хазалчых оттың пүрінен ачырғанып түу чабынган.

Пъеро аны мындағ стихтарнаң ўтертерге сынанған:

Піс ёскен порчочахтар
Тылоchaхта одырчабыс,—
Сарығ, чаҳсы
Уғаа чыстығ порчочахтар.
Піс чайғы тооза
Пу тылоchaхта чуртиrbыс,
Ах, ікөлене
Прайзы піске танназар...

Мальвина, тарынып, азахтарынаң тебінген:

— Сіреп, оолғычах, мағаа чархастығзар!.. Час, хазалчых оттың пүрін ўзінердек, көрчезер: мынзы прайöl пол парған паза талал парған.

Кинетін ырахтағы суум-саам, адай ўрізі тымыл парған. Мальвина холларынаң кёлчө сабынған:

— Артемоннаң Буратиноöl халдылар...

Анаң тылодағы көк торбасха сырыйнаң чадыбысхан.

Пъеро аның хыринда алығ кізі ле чіли пастырған. Хамыстың пастары чилге ағырин сығырысханнар.

Іди түрче полғанда, хаалағлар истіле түскен. Ол Карабас Барабас килир полар, Мальвинанаң Пъероны тудып алып, оларны түбі чох ізептеріне суғып алар ўчён. Хамыс хыя іділ парғанда, Буратино пу сых килген: пурну хасхайча, ахсы хулағына чит партыр.

Аның соонаң ікі артынчах артын салған илеп парған Артемон ахсаннап одырған...

— Миннен тудызарға сағынып алғаннар!—choотанған Буратино, Мальвинанаң Пъероның ѡрінгеніне дее хайбин.—Нимедір мағаа хоосха, нимедір мағаа

түлгү, нимедір мағаа полицейской адайлар, ниме полчан мағаа Карабас Барабас—тыфу! Хызыча, адайға алтанып ал, оолағас аның хузуруғына тынып ал. Че паранар...

Ол, чығанахтарынаң хамысты хыя идіп, тылолар-ча чалтанмин, пастыра халған—көлні ибіре тігі саринзар...

Мальвинанаң Пьеро полицейской адайларнаң чаалазығ хайди тоозылғанын паза оларны Карабас Барабас ноға сүрісчеткенін сурарға қаратпааннар.

Хачан көлнің тігі сарина читкеннерінде, өзінің көңніліг Артемон, хыңзып, ікі дее азаанан ахсан сыххан. Аның палығларын палғап алар ўчүн тынанарға кирек. Тастығ хыранда біс парған өзінің өзінің алтында хую көр салғаннар. Андар артынчаҳтарны киргеннер, андарох Артемон кире чылған.

Чахсы сағыстығ адай пастап полған на азатын чалғастырған, анаң аны Мальвиназар сунған. Бурагатыно Мальвинаның иргі көгенегін бинттерге ўсклеен, Пьеро оларны тутхан, Мальвина адайның азахтарын сүргеен.

Палығларны палғаан соонда Артемонға градусник түргышканнар, адай, амырап, узи пирген.

Бурагатыно сөлеен:

— Пьеро, көлзер парып, сүғ ал кил.

Пьеро позының алынча стихтар өзінде, сүрнүйгіп ала, сүға парған, че өзінің өзінің чідіріп, сүғны чайник түбінде ле читірген.

Бурагатыно өзінде:

— Мальвина, от одынарға салаалар ағыл килдек, табырах арах.

Мальвина, Бурагатыно зор чөпсінмин, көре тартып,

иңнічеен хыймыратхан,—че анаң нинче-де хуруғ оды-
чахтар ағыл килген.

Буратино chooxtanfan:

— Пу чаҳсы воспитать полылған кізілерден си-
дігөк чуртирга.

Позы сүғ ағыл килген, позы салаалар паза ха-
рағай махаяхтарын чынып килген, анаң хуюға кірер
чирде улуғ от салыбысхан, ол отха пәзік харагай-
ның салаалары чайхал сыхханнар. Позох сұғда какао
хайнадыбысхан.

— Че, табырах! Азыранарға одырынар...

Мальвина, аның хайынчатханын көріп, ирнілерін
устайта тудып, табыс-тубыс чох одырған. Че амды
улуғ кізі ўнінен хатығланып қоохтанған:

— Буратино, сірер адайларнан тудызып, оларны
чинен ползар, пісті Карабас Барабастан арачылап
халған ползар паза аның даа соонда позынарны ма-
хачы тудынған ползар, сірер азыранарға хол чубин
паза тіс арығлабин одырарзар тіп сағынманар...

Буратино чочаанынаң одыра түскен:

— Ана көрчезің аны!—хатығ хылыхтығ хызыча-
сар хараҳтарын торспайтып андаан.

Мальвина, хуюдаң сығып, аяларын саабысхан:

— Ёрбекейлер, гусеницалар, хара хоостар, ходыр
пағалар...

Минута даа иртпеен—порчо тозынына підел парған
улуғ ёрбекейлер учух килгеннер. Гусеницалар паза
кёй-саа чох, тизек хара хоостары чылыс килгеннер.

Ходыр пағалар харнұларынаң чыл килгеннер...

Ёрбекейлер, ханаттарынан улуғ тынып, хуюның
ханаларына одыр салғаннар, хую істінде сіліг ползын
паза толапчатхан чир чічен нимеे кірбезін тибес.

Тизек хара хоостары, хуюның полындағы прай сөп-сапты нымалахтандырып, ол сөпті тасхар сығара тастап турғаннар.

Симіс, ах гусеница Буратиноның пазына сыйып алған, анаң аның пурнуна ілініп алып, тістеріне көп нимес пасти сыға пас пирген. Хынзан даа, хынмазан даа тістерін чуурға киліскен.

Пасха гусеница Пьероның тістерін арығладап пирген.

Түгдүр сосха палазына тőй, уйғузы даа чаҳсы азылбаан порсых читкен... Ол, азағынан күрөн гусеницаларны хаап, олардан күрөң пастаны маймахха сыға пасхан, іди ол хузуруғынан Мальвинаның, Буратиноның паза Пьероның ўс пар маймағын чылтырада арығладап салған.

Маймахтарны арығладап салғанда, ол изебіскен: а-ха-ха, анаң талтаннап чөрібіскен.

Хуюзар пазында хызыл чачағастығ, чохыр, кёгліг хайынчах кичегей кире хонған, ол піреे нимені таннап парза, чачағычаа چіке турыбысчан.

— Кемні тарап пирим?

— Мині,—теен Мальвина.—Минің сазым прай пут-хал партыр, толғап, чаҳсыдаан тарап пир сазымны...

— Көріндес чи хайдадыр? Иркечем, истек...

Анчада торспах харахтығ ходыр пағалар тееннер:

— Піс амох ағыл пирербіс...

Он паға көлзет харнұларынаң чыла халғаннар. Олар көріндес орнына көріндес осхас палыхты сөзір килгеннер, палых уғаа симіс, уйғучыл полған, аннаң аны хайдар даа сөзірзелер, ол андар парған.

Палыхты Мальвинаның алнында хузуруғына турғыс салғаннар. Пурлух парбазын тіп, аның ахсына чайниктен суғ ур турғаннар.

Хайынчах кичегей, Мальвинаның сазын чахсылаан тарап пирген. Холына ілін парған пір ѡрбекейні азырып, анынаң хызычахтың пурнун гудрить полыбысхан.

— Тимде, иркечеем...

Анан—ффрр!—choхыр тегілегес полып, хуюдан сығара учуғыбысхан.

Ходыр пағалар көріндес палыхты көлзер нандыра



Хую хыринча имнег пиявкалар садығчызы Дуремар паза азаан сәзір парған Карабас Барабас иртіп парғаннар.

сөртеп парыбысханнар. Буратинонан Пьеро хынмазалар даа, холларынаң полар мойныларын даа чууп салғаннар.

Мальвина азыранарға одырарға чаратхан.

Азыранған соонда, тізектерінен іпек унахтарын сілігіп, ол чоохтаан:

— Буратино, минін нанчым, ирткен туста піс сірнернең диктант пасхабыс. Урокты аннаң иртірербіс...

Буратиноның хуудаң харагы ла көрінген чирзер сығара чүгүрібізегі килген. Че арғыстарын паза ағырчатхан адайны полызығ чох халғызарға чарир ба за! Ол тімелген:

— Пічік пасчаң ниме хада ағылбаабыс...

— Орта нимес, ағылғабыс,—östебіскен Артемон. Артынчахсар чыл парып, аны тістерінен систібізіп, чернилалығ пузырёқ, пенал, тетрадь паза кіичек глобус сығар килген.

— Ручканы чаҳсылаан тудынар, салаанарны перодан ырах арах тудынар, іди итпезе, салаанарны чернилаа підеп саларзар,—теен Мальвина.

Сіліг харахтарын хую ўстүндегі өрбекейлерге көдірген,—аңаң на...

Ол туста салаалар сығдырааны, хазыр табыстар истіл парған,—хую хыринча имнег пиявкалар садығчызы Дуремар паза азаан сөзір париган Карабас Барабас иртіп парғаннар.

Кöклю театрының директорының хамаанда улуғ сіс хызарған, пурну сіс партыр, сағалы, прай путхалып, чухха піделтір.

Ол, түкүрініп, ёстеп ала чоохтанған:

— Олар ырах парбааннар полар. Олар мында, пірее чирде, ағас аразында поларлар.

Буратино хайди даа полза Карабас Барабастаң алтын клүзектеңер піліп аларға қаратча

Карабас Барабас паза Дуремар хую хыринча кёölчө иртіп парғаннар.

Чазыдағы чаалазығ тузында пиявкалар садығчызы хорығып ағас алтында одырған. Хачан чаа тоозыл парғанда, ол Артемоннан Буратино хойығ от арасында көрінмін парыбысханнарынча сағаан, анаң на Карабас Барабастың сағалын хайди полза, Италия харагайынаң азырып алған.

— Оолғычах сірерні чахсы қазыттыр!—теен Дуремар.—Сірернің ніткенерге ікі дюжина ин чахсы пиявкалар тұргызарға килізер неке...

Карабас Барабас абагырыбысхан:

— Чүс мун! Табырах айна-чиктерні сүре чидерге кирек.

Карабас Барабаснан Дуремар тискеннернің ізінен килгеннер. Олар холларының отты асхлааннар, полған на ағасты көрглееннер, полған на тлоны ніндееннер.

Олар иргі харагайының чилегезі хыриндағы оттың пүдүнін көргеннер, че хуюда ағас кізічектер қазынча, агаа хоза от салыбысханнар полар тіп сағынмааннар даа.

— Ол Буратино айнаны мин пычаамнаң прай тоғрап салам!—тімелген Карабас Барабас.

Тисken кізілер хуюда пәгібіскеннер.

Амды хайди полчан? Чүгүрчен ме? Че палығлығ Артемон халын узупчатхан. Аның прай палығлары қазылар ўчён адай чибіргі тörtт час узириға кирек.

Нöös чахсы сағыстығ адайны хуюда чалғысханны халғысчан?

Чох, чох, арачыланар полза—прайзы пірге, ѥлзе—ідөк прайзы хада...

Буратино, Пьеро паза Мальвина хую түбінде, пурнуларын тобін түзіріп, ўр чоптескеннер. Чарат салдылар: мында иртенге читіре одырарға, хуюның ізігін салааларнаң тулғап саларға паза Артемонны табырах назареттерінде көзін күштеп, оларға піліп аларға хынчам. Ізік озаринда пірее манат, таңнастығ ниме хайралалча полар... Ол ниме піске часка пирерге кирек.

Буратино теен:

— Мин Карабас Барабастан алтын клўзек асчат-хан ізік хайда полчатханын хайди даа піліп аларға хынчам. Ізік озаринда пірее манат, таңнастығ ниме хайралалча полар... Ол ниме піске часка пирерге кирек...

— Сірер чох халарға хорыхчам, хорыхчам,—өстебіскен Мальвина.

— Пьеро чи, сірернен ноза?

— Ах, ол стихтар ла хығырча...

— Мин Мальвинаны ала парыс чіли арачылим,— улуг азымахчылар чіли харлос табыснан чоохтанған Пьеро,—сірер мині ам даа пілбинчезер...

— Маңат оолзың Пьеро, хачанох іди кирек полған!

Буратино Карабас Барабастың паза Дуремарның соонан чүгүре халған.

Оларны ўр ниместен көр салған. Кёклө театрның директоры чұлықтағанда одырған, Дуремар аның хамаандасы сіске ачығ от пүрлерінен компресс итчеткен. Үрахтың Карабас Барабастың хуруғ харны хоғдырасчатханы паза имнег пиявкалар садығчызының хуруғ харныңың сығырғаны истілген.

— Синьор, піске азыранып аларға кирек,—choохтанған Дуремар, тискен айналарны піс харааға даа читіре тілеп таппаспys.

— Мин сағам пүүн сосха палацаан, ағаа хоза ікі Ѽртегес чіп саларчыхын,—кёö чох нандырған Карабас Барабас.

Нанчылар „Үс палых“ аттығ азыранчаң чирзер пастырысханнар—аның вывесказы хыр ўстүнде көрінчедір. Че Карабас Барабастаң паза Дуремардан чапчаңох андар Буратино чүгүрген, аны оннабазыннар тіп, отха солынып чүгүрген.

Азыранчаң тураның ізігі хыринда Буратино улуг петухсар кёölчे пастырған; петух, пір ҳарах азычаң алай ба хұс палазының пір кизегес ічегечеен таap алыш, хызыл چалаазынаң сілігіп, айғахтарынаң чир хазып, таңахтарны сыйлирға сизініп ала хығырған:

— Ко-ко-ко!..

Буратино, миндаль пирожнайның унахтарын аязына салып, ағаа сунған:

— Чінер, öён командин синьор.

Петух, ағас оолғычахсар хатығланып көріп, че пик тудын полбин, аның аязын хахлабысхан.

— Ко-ко-ко!..

— Öён командин синьор, мағаа азыранчаң чирзер иртерге кирек, че минің кирегім иб әэзі оннабазын. Мин сірернің öң-пасха сырлығ сіліг хузуруғынарға көлөнібізем, че сірер мині от салчан орынзар читір саларзар. Чарир ба?

— Ко-ко!—уламох махтанып тапсаан петух.

Ол пір дее ниме піл полбаан, че ниме пілбеенін көзітпес ўчүн азыранчаң тураның азых ізиинзер хоғдайып пастырған. Буратино, аның ханады алтына кі-

ріп, хабыргаларына тынып, аның хузуруғынаң ча-
бынып, імектеп ала кухнязар кірген, от орнындар,
анда сістернен паза скобраларнаң азыранчаң тура-
ның тас пастығ әзі хайын чөрген.

— Хыя пар, ўгрее кірер кири ит!—хысхырыбыс-
хан петухха әзі, анаң аны азаанаң теебіскен, петух—
кудах-тах-тах—тібинең чабал хысхырып, тасхар чочып
парған таңахтарына сығара хонған.

Буратиноны кізі оннабаан, ол, иб әзінің азахтары
хыринаң иртіп, улуғ той ыраға кистіне одыр салған:

— Ол туста Карабас Барабаснан Дуремарның та-
быстары истілген.

Иб әзі, тёбін пазырынып, оларға удур сыйхан.

Буратино, той ырағаңың істіне кіріп, анда чазы-
ныбысқан.

Буратино алтын клүзектенецер чазыт ниме піліп алча

Карабас Барабаснан Дуремар хаарған сосха пала-
чағынаң азыранғаннар. Иб әзі стаканнарға арага ур-
турған.

Карабас Барабас, сосха палазының азағын салдап,
иб әзінен тиен:

— Синің арағаң уғаа хомай, мағаа тігі ырағадан
урдах! Буратино одырчатхан ырағазар сёökнен ула-
бысқан.

— Синьор, ол ыраға хуруғ,— нандырған иб әзі.

— Чойланма, көзіттек.

Андада иб әзі, ыраға көдіріп, түндерібіскен. Бу-
ратино түс парбим тіп нинче пар күзінен чығанах-
тарынан ырағаның хабыргаларына сіренген.

— Анда ниме-де ҳаралча,—харлабысхан Карабас Барабас.

— Анда ниме-де агарча,—choохтанған Дуремар.

— Синьорлар, тіліме сіс сых парзын—ыраға хуруп!

— Андағ полза, аны столға түрғыс—андар піс сёйктер тастирбыс.

Буратино одырган ырағаны көклю театрның директоры имнег пиявкалар садығчызын хыринда түрғыс салған.

Буратиноның пазына салдалған сёйктер паза хатығ іпектер тасталғаннар.

Карабас Барабас, көп араға ізіп алып, сағалын отсар тартхан, піделген чух хайылып ахсын тіп.

— Буратиноны аймаа салып, пір аямнан сабысса, аннаң өл орны ла хала парап,—махтанып choохтанған ол.

— Нимеे чарабас айнаа ол кирек,—хосхан Дуремар,—че пастап агаа пиявкалар түрғызарға кирек, олар аның прай ханын сорыбыссыннар...

— Чох!—Карабас Барабас мунзуруғынаң сапхлаан.—Мин пастап аның алтын клүзегін пылап алам...

Иб әэзі choохха хозылған,—ол ағас кізічектернің тис парыбысханнарынаар искен.

— Синьор, сірер оларны кілеп майыхпаңар. Мин ікі чапчан оолны сағамох хығырыбызам, сірер азыранғанча олар, прай арығны ніндіп, пеер Буратиноны ал килерлер.

— Чарир. Ыс пеер оолларны,—улуг табаннарын отсар сістирге тартып, choохтанған Карабас Барабас. Ол тың изір парған, аның ўчүн нинче пар күзінен ыр ырлабысхан:

Минің чонычаам пасхацыл,
Сағызы чох ағас чон.
Кёклөлер ээзібін,
Ана мин кеммін...
Хазыр Карабас,
Саблығ Барабас...
Минің алнымда кёклөлер,
От ла чіли, төзелчелер.
Порда даа ползаң,
Минің хамчычаам пар,
Читі пастығ хамчыцах,
Читі пастығ хамчыцах.
Хамчынаң хорғытсамох,
Минің сös истечі чонычаам
Ырлар сарнапча,
Ахчачахтар чыылча
Минің улуғ ізебіме,
Минің улуғ ізебіме...

Ә Анчада Буратино, улып киліп, ыраға түбінен чоохтанған:

- Чазыт нимені чоохта, часкazy чох, чоохта!..
- Карабас Барабас, хорыхханынаң наахтарын тор-сладып, Дуремарзар андып сыххан.
- Ол синзің ме?
- Чох, чох, мин нимеспін...
- Чазыт нимені искір тіп, кем чоохтады за?
- Дуремар чабал нимее киртінечі полған; ол ідőк кöп араға ізібіскең. Аның сырайы хорыхханына кöгер парған паза миске чіли чырыыл парған.

Аныңзар көріп, Карабас Барабас таа тістерін тыр-слатхан.

— Чазыт нимені чоохта,—пазох улыбысхан ыраға түбінен пасхачыл табыс,—чоохтабазаң пу одырчыхтан турбассын, часказы чох!

Карабас Барабас азах ўстүне турарға хынған, че сала даа көдіріл полбаән.

— Хайдаг чазыт нимені?—килегейлене сурған ол.
Табыс нандырган:

— Тортала черепаханың чазыт нимезін.

Хорыхханынаң Дуремар кёölче стол алтына кірген. Карабас Барабастың наахтары түс парған.

— Ізік хайдадыр, ізік хайдадыр?—күскү хараада түнүкте чил улған чили табыс истілчен...

— Нандырам, нандырам, тапсаба!—сыбыраан Карабас Барабас,—ізік—кири Карлоның туратаанда, хоосталған от орны озариинда...

Ол сөстерні чоохтирынан, тасхартын иб әзі кір килген.

— Мына ізестіг ооллар, ахча ўчүн олар, синьор, сағаа айнаны даа ал килерлер...

Ол анаң иркінде турчатхан Алиса тұлғүзер паза Базилио хоосхазар көстенең. Тұлғү аарлап, иргі слепезін суурған.

— Синьор Карабас Барабас, піске он алтын ахча пирінер, піс, тізен, пу чирден хыя паспинох, уяды чох Буратиноны холыңарға тудындырыбызыарбыс.

Карабас Барабас, сағалы алтындағы жилемет ізебіне холын суғыбызып, он алтын ахча сыйғар килген.

— Ахча мына, че Буратино хайдадыр за?

Тұлғү ахчаны нинче-цинче хати хатап санаан, чарым ахчазын хоосха пирчедіп, улуг тыныбысхан, анаң азаанан көзідібіскен:

— Ол пу ырағада, синьор, сірернің пурнунар алтында...

Карабас Барабас, столдағы ырағаны хаап алып, аны тас полға тастабысқан. Ыраға кизектерінең паза салдалған сёйктер аразынаң Буратино сығара чачыраан. Таңнап парған чон ахсыларын азып турғанча, ол, соған на чили, азыранчаң турадаң тасхар петухтар атыххан, петух пірде пір хараанаң өліг хұрты-чахты хоғдайып көрчеткен.

— Син, котлет итчен иргі ит, мині садыбыстың!— пурнун сүў тартып, чабалланған аға Буратино.—Че, амды нинче пар күзіннең чүгүр...

Ол аның поғда хузуруғына маңатап тыныбыс-хан. Петух, пір дее ниме онарылбин, ханаттарын ча-за тудып, чүгүр сыххан. Буратино, хуюн чили, анын соонан,—тағ индіре, чол кизіре, қазыча, арығзар.

Карабас Барабас, Дуремар паза иб әэзі, онарыл парып Буратиноның соонаң чүгүргеннер. Че олар аар-пеер хайбаңазалар даа, ол пір дее чирде көрінмеен, ырах қазыча ла петух сағызы сыххан ниме чили чүгүр париган. Че аның алиин прайзы пілген, аннанар петухты көріп, пірдеезі аны ниме салбаан.

Буратино пір ле хати хайди полцаан пілбинче, че прай ниме чахсы тоозылча

Алып петух майых парған, ахсын азып, хайди полза ла чүгүрген.

Буратино аринча полбаанды, аның уғзал парған хузуруғын позыдыбысқан.

— Че, генерал, таңақтарыңа айлан...

Буратино пүрлер тобыра чарых чалтырапчатахан
Хуулар көлінзегер парған.

Мына тастығ хыраңастағы харагай, мына хую.
Ибіре сынғлап парған салаңлар тасталтыр. От тер-
пектернен типсeltіr.

Буратиноның хорыхханына чүрегі сабыл сыххан.
Ол, хыраңастаң сегіріп, чилегелер алтынзар көрген...

Хую хуруғ полған!!!

Мальвина даа, Пьеро даа, Артемон даа өфіл.

Ікі ис кизегезі ле чатчатхан. Оларны көрзе, Пье-
роның көгенеенің ніңнері полтыр.

Нанчыларын кем-де оғырлап парыбыстыр! Бура-
тино түндере түс парған,—аның пурну чирге тириен
хазал парған.

Аның наңчылары хайдаг аарлығ полғаның ол ам
на сизінген. Мальвина ўгретсін, Пьеро мун даа хати
стихтарын хығырчатсын. Буратино оларны пазох кө-
рер ўчүн алтын клүзегін дее пирібізерчік.

Аның пазы хыринда төнічек суум-саам чох көдіріл
килген, аннаң хызыл аялыш, нымзағас, чылтыран тискер
азах сых килген, ол, ўс хати апсырыбызып choохтаан:


— Минің хараам өфіл, че истерін чахсы истіп-
чем. Пеер хойлар көлген ханаачаң килген. Анда Алығ-
лар Городының губернаторы Тұлғұ, істегчілер одыр-
ғаннар. Губернатор чахаан:

— Тоғыстарын итчеткен туста минің ин чахсы по-
лицейскайларымны сох салған уяды чохтарны хаап
алыңар! Хабыңар!

„Істегчілер нандырғаннар:

„Тяф!

„Хуюзар атыхханнар, анда хазыр күрес пастал-



Чолча түгзар ханаачах инчекен.

ған. Синің арғыстарыңны палғап алып, ниме-ноола-
рынаң хада ханаачахха тастап, чөрібіскеннер“.

Піди пурнун чирге хазапчатханнаң хайдар тұ-
задыр!

Буратино, тура хонып, ханаа терпектерінің ізінен
чүгүрген, Көлні ибіріп, хойығ оттығ қазаа сыйхан.

Іди илееде парған... Аның пазында пір дее план
чох полған. Арғыстарын на арачылырға кирек—паза
ниме кирек чоғыл.

Алындағы күн хазалчых отсар андарылған чікім
чарға читті. Тобін Тортила черепаха чуртапчатхан

кірліг түғны көр салған. Җолча туғзар хаңаачах ин-
четкен; аны скелет осхас, түктері прай чұлыл пар-
ған ікі хуруғ сөйк хойлар тартып одырғаннар.

Козлада пурдайған наахтығ, алтын очкиліг симіс
хоосха одырған,—ол губернаторға хоп хопташан
хоосха полған. Анын соонда—ходайған іргек түлгү,
губернатор... Артынчаҳтарда Мальвина, Пьеро паза
тооза палығлығ Артемон чатчатханнар,—аның хачан
даа чахсы тарал парған хузурии тозынча сөзірілген.

Хаңаачахтың соонда ікі істегчі килчеткен — добер-
ман-пинчер род адайлар.

Кинетін істегчілер, адай тумзухтарын көдіріп, чар
үстүнде Буратиноның ах побриичеен оннап салғаннэр.

Пинчлер сегіріснең чікім хасха сыйханнар. Че
олар хас ўстүне сыйханча, Буратино,—агаа назынчан
орын чох полған, чүгүрчен дее чир чоғыл,—холла-
рынаң пазын тудынып, харачхай ла чіли, иң чікім
чирден туу көк от ёс парған кірліг түғзар тобін се-
гірібіскен.

Киице теглектеніп түскен, улуғ чил чох полған
полза, ол Тортала чачазар туға түс парапчых.

Чил, ниигезек ағас Буратиноны айлахтандырып,
айлахтандырып, хыя тастабысхан, ол, андарылчадып,
ханаачахта одырған Түлгү губернаторның пазына көні
петли түс парған.

Алтын очкиліг симіс хоосха, хорыхханынаң коз-
ладан андарыл парған, ол хара сағыстығ паза хор-
тых полған, тал пардым тіп пөгібіскен.

Түлгү губернатор, тізен, андағох хортых, сырлап
ала хасча чүгүрген, анаң порсых ініне кире хонған.
Анда ағаа чабал урынған: порсыхтар андағ аалчы-
ларға көрбейні көзідедірлер.

Хойлар, чочып парып, чолдан хыя тартханнар, ханаачах тоңхар андарыл парған. Мальвина, Пьеро паза Артемон ниме-нооларынаң хада хазалчых отсар нымалахтан парғаннар.

Пу ниме уғаа чапчаң пол парған, сірер, аарлығ хығырығылар, холыңардағы салааңарны даа санирға маннанмасчыхсар.

Доберман-пинчерлер улуғ чорыхнаң хастаң төбін түскеннер. Тоңхар парған ханаачахсар сегірізіп ки-ліп, тал парған хоосханы көр салғаннар. От аразында чатчатхан ағас кізічектерні паза прай палғал парған адайны көр салғаннар. Че Тұлғү губернатор пір дее чирде көрінмеен.

Ол қіт парған,—істегчілер хараҳ оды чіли хайраллаchan губернатор чир алтына кір парған чіли чіткен.

Пастағы істегчі, тумзииң өзін тудып, ачырғанып улубысхан.

Ікінчізі ідőк полған:

— Ай, ай, ай, ай,-у-у-у-у!..

Олар, чүгүріп, чүгүріп, прай чарны ніндееннер. Пазох ачырғанып улусханнар, оларның хараана хамчы паза тимір көзенек көрінген.

Олар, чайханнап ала, Алығлар Городынзар чүгүріскеннер. Олар, постарын арачылір ўчён, чол парчадып, губернаторны тіріге тигірзер көдіріл парыбысхан тіп, полицейской пәлікте чойланарға чарат салғаннар.

Буратино көölче-көölче пазын сыйбанған,—азахтары, холлары пүдін полғаннар. Ол, хазалчых оттар зар чыл парып, Мальвинанан Пьероны пағдан систібіскен.

Мальвина, пір дее тапсабин, Буратиноны мойны-

наң хучахтабысхан, че охсан полбаан—Буратиноның узун мойны харығ полған.

Пьероның ніңнері чығанағына читіре талалых полған, пудразы наахтарынаң тоолап партыр, ол стихтарға даа хынза, аның наахтары хызыл полтырлар.

— Мин, пір дее چалтанмин харбасхам,—хатығланып choхтандан ол.—Мағаа азах тутпаан ползалар—мині апарбасчыхтар.

Мальвина чөпсерген:

— Ол ала парыс чіли харбасхан.

Ол, Пьероны мойнынан хучахтап, анәң ікі наағын охсаныбысхан.

— Че чидер чалғанызарға,—тімелген Буратино,—тизенер. Артемонны хузуриинан сөзір паарбыс.

Олар узёлен, парасхан адайның хузуруғынан хаап, аны хас өзіншілдегіндер.

— Позыдыңар, мағаа піди паарға уядыстығ, мин позым паарбын,—бастеен палығлығ адай.

— Чох, чох, синің күзің өфіл.

Че олар хастың ортызына сығарларынаң, хас ўстүндегі Карабас Барабаснаң Дуремар көрін парғаннар. Алиса тұлғұ азаанаң ағас кізічектерзегін көзіткен, Базилио хоосха, сағалын тыrbайтып, чабалланып сыйлаан.

— Ха-ха-ха, ана хайдар өзіншілдегіндер!—хатхырыбысхан Карабас Барабас.—Алтын клўзек холыма позы килир!

Буратино, наа чобағдан хайди азырылчан тіп, манзырап ала сағынған. Пьеро позының чұртын аарлығ садарға сағынған, Мальвинаны позынзар тартып, хучахтаан. Че амды арачыланчаң ондай чох полған.

Дуремар хас ўстүндегі хатхыраннаан:

— Карабас Барабас синъор, ағырығ адайны сірер мағаа пирібізіндер, мин аны туғдағы пиявкачахтарға тастап пирем, симірзіннер, минің пиявкачахтарым...

Чоон Карабас Барабас төбін инерге эрінген, ол чоон салаазынаң тискен кёклөлерні хығырған.

— Киліңер минзер, палацахтарым, киліңер пеер...

— Орыннан тибіребенец!— чахаан Буратино.— Өлзе, көглігінде кирек! Пьеро, пірее хайдағ-мындағ ин хомай стихтарың хығыр. Мальвина, маңатап хатхыр...

Мальвинаның пірее читпестері полза даа, ол чаҳсы арғыс полған. Ол харажтарын аязынаң қызынып, хас ўстүнде турчатханнарға хатхырған.

Пьеро, мындох стихтар сағынып алыш, чабал ўннен сёй тартып хығырған:

— Алиса түлгү аястығ,
Аны сабар ағас сағыпча.
Базилио хоосха кіленчік—
Оғыр чабал хоосха.
Дуремар, алығ кізі,
Чырылған кипсіс миске.
Карабас син Барабас,
Синнен піс хорыхпинчабыс...

Олох туста Буратино, хыйыр-хайыр полып, оларны ачыргандырған:

— Эй, син, кёклө театрының директоры, пиво урчан иргі сабанаҳ, алығ сағыс тыхтап салған симіс хап, піссер тұс, тұс,— мин синің чулылған сағалыңа чаба тұкүрчем!

Нандырығ орнына Карабас Барабас хайдар-хайдар абағырыбысхан, Дуремар түрең холларын тигірзегер көдірген.

Алиса түлгү хатхыраннап чоохтанған:

— Пу уяды чохтарнын молтырығын хазырыбызарға чарадынар?

Пір минутадан прай ниме тоозыл паар... Кинетін оларның ўстүнче чар харажайлары сығдыраза учукып ирткеннер:

— Мында! Мында, мында!

Карабас Барабастың паза ўстүнче манатап сайрап саасхан учуғыбысхан:

— Табырах, табырах, табырах!..

Хас ўстүнде кири Карло паба тұра түскен. Аның ніңнері прай сысхарыл партыр, холында көзөліг ағас, көміскелерін түзірібіскен...

Ол Карабас Барабасты иннінен сазыбысхан, Дуремарны чығанағынаң, Алиса түлгүнің аргазынаң ағаснан сабысхан, Базилио хоосхазар сапогын тастабысхан...

Аның соонан мөкейібізіп, ағас кізічектер турчатхан хас алтынзар көріп, өрініп чоохтанған:

— Оолғым минің, Буратино, син хазых-тіріг одырзың—табырах минзер чүгүр!

Буратино Карло пабазынаң, Мальвинанаң, Пьеронаң паза Артемоннаң хада ибінзер айланча

Ағас кізічектерні сүріскен чабаллар Карлодан, аның ағазынаң паза Карлоның тарынғанынаң тың хорых парғаннар.

Алиса түлгү, хойығ отсар чыл парып, манатап чүгүрібіскен, ағаснаң саптырған соонда пірееде чыры тартындарға ла тохтаан.

Базилио хоосха, онча хаалағ нандыра сегіріп, ам-
ды тизілген велосипед терпегі чили тарынып сыйлаан.

Дуремар, көк пальтозының идектерін хаап, хас-
таң инген, ол chooxтан париған:

— Минін пыром өфіл, пыром өфіл...

Че пирік чирде қаза пазыбызып, тайлых чёрбіс-
кен, ол, парып, улуғ күзүреспен туға кире петлеп
халған.

Карабас Барабас турған чиріндөқ тұра халған. Ол
пазын тигейіне читіре қыыра тартынған; аның сағалы
киндір чили салбаннаан.

Буратино, Мальвина паза Пьеро ўстүнзег сых
кілгеннер.

Карло паба, оларны қалғызардан көдіріп, салаа-
зынаң ҳорғытхан:

— Амох мин сірерні, сох палалар!

Ол праизын ҳойнына суххан.

Анаң көп нимес иніп, парасхан адайның ҳыринда
мөкейген. Сын Артемон, тумзин көдіріп, Карлонын
пурнун қалғабысхан. Буратино сах андох ҳойнынан
паҳлап тапсаан:

— Карло паба, піс адай чох наңмаспys.

— Э-хе-хе,—нандырған Карло,—аарох полар, че
чарир, сірернің адайыңарны хайди полза читтір-
гейбін.

Ол, Артемонны иңніне одыртып, аар-чүкке ёстеп,
чоғар пастырған, анда пазын қыыра тартынып, ха-
рахтарын торспайтып, Карабас Барабас турчатхан.

— Көклөлер мини,—тімелген ол.

Карло паба, аға тарынып, нандырған:

— Эх, син! Киріп парып, праі чонға саблығ жу-
ликтернен - Дуремарнаң, хоосханаң, түлгүнен палға-

лысхазын. Кічіг палаларны хыйыхтапчазар! Уят, доктор!

Карло городсар чолча пастырыбысхан.

Карабас Барабас, пазын чыыра тартынып ала, оларның соонаң хаалаан.

— Кёклөлерімні пир!..

— Пирерін пирбе!—хойнынан паҳлап, абағарыбысхан Буратино.

Іди илееде парғаннар. „Үс палых“ тіп азыран-чаң тураны ирткеннер, аның ізиинде тас пастығиб ээзі холларынаң чырлапчатхан скобраларзар көзіткен. Ізік хыринда чулылған хузурухтығ петух аар-пеер пастыр чөрген, ол Буратиноның сохтанғанынар тарынып choохтанған. Таңаhtar агаа чөпсергеннер.

— Ax-ах, хайдағ хорғыстығ! Ух-ух, пістің петуғыбыс!..

Карло хырлан ўстүне сыххан, аннаң чил сапханаға салғахтанчатхан талай көрінген, чар хазында ізіг күн харагына хум чіли хуур парған иргі городычах паза кёклө театрның иснен иткен хыры көрінген.

Карло пабаның соонда ўс ле хаалағда турчатхан Карабас Барабас тімелген:

— Мин сағаа кёклөлер ўчён чүс алтын монета пирем, сат мағаа оларны.

Буратино, Мальвина паза Пьеро тынминыбысханнар: Карло ниме тирін сағааннар.

Ол нандырған:

— Чох! Син театрның ах сағыстығ чахсы директоры полған ползәң, мин кічишкі кізічектерні сағаа пирібізәрчікпін. Че син крокодилден дее хомай кізізің. Мин оларны сағаа пирбеспін, сатпаспын, хыя пар мыннан.

Карло, хастаң иніп, Карабас Барабассар паза хайығ салбин, городычахсар кірген.

Анда пір дее кізі чох площаңта полицейской хыймырабин турчатхан. Ізіге паза эрініске аның ирін сағалы төбін тұс партыр, харахтары чабыл партырлар, ўс пулуннығ слепезінің ўстүнде сеектер учуғыс-чатханнар.

Кинетін Карабас Барабас, сағалын ізебіне суғыбызып, Карлоны кистінен көгенегіңең хаап алыш, тооза площаңха толдыра абағырыбысхан:

— Сұрыны тудынар, ол минің көклюлерім оғырлап алған!..

Че ізіге кой парған паза эрінгеніне сабыхсып-чатхан полицейской орнынаң даа тибірең. Карабас Барабас, аныңзар сегір киліп, Карлоны харибге одыртарға кирек тіп қоохтаан.

— Син чи кемзін? — эрініп ала сурған полицейской.

— Мин көклюлер наукаларының докторыбын, саблығ театрның усташызы, ин пәзік орденнернің кавалері, Тарабарский корольның ин чағын нанчызы, Карабас Барабас синьор полчам...

— Син мағаа хысхырба, — нандырған полицейской.

Карабас Барабас полицейскайнаң сарысхан арасында, Карло паба, чалбах тас төзеен улицача ағас таяғынаң тарсладып, чуртаан туразынзар чағдаң килген. Пасхыс алтындағы харасхы турачааның ізин азып, Артемонны иннінен хыя алыш, төзекке чаттыр салған, хойнынаң Буратиноны, Мальвинаны паза Пьероны сығарып, оларны стол ўстүнен хости-хости одыртып салған.

Мальвина сах андох қоохтаныбысхан:

— Карло паба, ин не пурнада ағырығ адайны көріңер. Оолғычахтар, амох чуунарға...

Кинетін ол холларынаң сабыныбысхан:

— Че минің көгенектерім чи! Минің наа туфля-чахтарым, минің чахсы лентахатарым осхыл түбінде, сіген аразында чат халғаннар!..

— Ниме чох, сағысыраба,—теен Карло,—иирде мин парып, ниме-ноонны ал килербін.

Ол Артемонның азахтарын сөргеен истерні чаҳсаан сизіп көрген. Адайның палығлары чазыл таа партырлар, ол өзөкчеткенненер пір дее хыймыран полбинчаттыр.

— Піреे табағас сула ўгрезін, ағаа хоза кимірілген сööгічек пирзер, аны чіп алып, мин городтағы прай адайларнаң тудызарға тимдебін.

— Ай-ай-ай,—чобалған Карло,—че минің ибімде пір кизек тее іспек өфіл, ізебімде пір сольдо ахча өфіл...

Мальвина аястығ сүркүннебіскен. Пьеро, сағыс киріп алим тіп, хамагын мунзурухтарынаң чысхан.

— Мин, тасхар сығып, стихтар хығырим, ирткен чон мағаа көп ахча пирер.

Карло пазын чайхаан:

— Син, оолғычаам, тасхар кілен чөрген ўчүн полицейской пöлікте хонарзын.

Буротинодаң пасха прайлары сағысхан түскеннер. Ол, тізен, көйтіктеніп күлінген, столда даа нимес, че хазалчых позығда одырчатхан чіли айлахтанған.

— Олғаннар, че чидер чобалбаңар! Ол, полға түзіре сегіріп, ізебінен хайдағ-да ниме сыгар килген.— Карло паба, масхачах ағылып, стенедегі талалых исті хия тастабыс.

Ол узун түмзинан иргі исте хоосталған от орнызар, от ўстүндегі түдүнніг хазанаҳсар көзіткен.

Карло таңнап парған:

— Оолғычаам, андағ сіліг хоосты стенеден нога хыя идерге хынчазың? Хысхыда мин, ол сомзар көріп, пу сын от, хазанда чеснок тоғыраан иттіг ўгре тіп сағынадырыбын, іди сағынзам, мағаа сала чылығ пілдірібісче.

— Карло паба, мин сын кёклө сөзін пирчем,— синін пезінде сын от, сын чугун хазанында ізіг ўгрен полар. Исті хыя ит!

Буратиноның іди киরтіндіре чоохтанғанына ізеніп, Карло паба, ніткезін тырбанып, пазын чайхап, бістеп ала, хысхаснаң масхачах алып, исті азыр сыххан. Аның кистінде, піс пілчебіс ноза, прай ірімчік тартыл парған, анда бліг ірімчіктер сырбалған полғаннар.

Карло ірімчіктерні чахсаан сыйбырыбысхан. Харал парған дуб ағастаң иткен улуғ нимес ізігес көрінібіскең. Аның төрт пулиинда хатхырысчатхан сырайлар кизілтірлер, ортызында, тізен,—узун пурұннығ сегірчеткен кізічек.

Аннан тозынны чызыбысханнарында, Мальвина, Пьеро, Карло паба астап парған Артемон даа пір ўнге хысхырызыбысханнар:

— Пу Буратиноның сомы!

— Мин ідőк сағынғам,—теен Буратино, андағ ниме сағынмаан даа полза, ол позы даа таңнап парған.—Мына ізігестің клўзі, Карло паба, азыбыс...

— Пу ізігесті паза пу алтын клўзекті хачанох пір ус кізі иткен,—choохтанған Карло. Че көренердек, ізігес кистінде хайдағ ниме қазырыл парған.

Ол, клўзекті замоқтың ўдіне суғып, толғабысхан сіліг музыка истілібіскен.

Карло паба ізігесті ідібіскен. Ол ығрабинаң азылып пастаан.

Ол туста кёзенек кистінде маңзыттығ ҳаалағлар истілгеннер, Карабас Барабастың табызы харлабысхан:

— Тарабарской корольның адынаң—кирі чой Карлоны харибге одыртыңар!

Карабас Барабас пасхыс алтындағы тураңаха кире хонча

Піс пілчебіс, Карабас Барабас сабыхсып chathan полицейской Карлоны тутсын тіп, полицейскайны тикке ле чоптирге ҳарасхан.

Че пір дее нимеे чарап полбин, Карабас Барабас улицача чүгүрген.

Аның чайылған узун сағалы иртіп париған кізілернің мархаларына паза зонтиктеріне сырбалған. Ол прайларын ітклемен, хыя сасхлаан, тістерін хабырған. Аның соонча оолғычахтар сығырысханнар, арғазына чызаан яблоколар тастааннар.

Карабас Барабас городтың пастығына кире хонған. Ол ізіг туста садта фонтан хыринда хысхаңах ла станның пастых, одырып, лимонад ісчеткен.

Пастых алты әэктіг полған, пурну хызыл наахтаңында сала ла көрінчеткен. Аның кистінде, ағас алтында турчатхан көй чох төрт полицейской лимонадтығ бутылкаларны ла азарға маңнанчатханнар.

Карабас Барабас, пастыхтың алнына тізекке түзіп, харағының қазын сырайына сүрткел, оорла бысхан:

— Мині, часказы чох өкісті, сохтылар, хыйыхтадылар, нимем оғырладылар...

— Сині, өкісті, кем хыйыхтады? — улуғ тынып сурған пастых.

— Чабал ыырчы, кирі шарманщик Карло. Ол минің ин чахсы ўс кёклём оғырлап парыбысхан, ол минің саблығ театрымны өртирге хынча, аны сағамох тутпаанда, ол прай городха борт салып, аны талир.

Сöстерінің сынын көзідер ўчүн, Карабас Барабас, пір харбах алтын ахча сыгарып, оларны пастыхтың маймахтарына сал салған.

Пір сöснен choоhtаза, ол кöп чойлан пирген. Аны истіп ўрўк парған пастых ағас алтында одырчатхан тöрт полицейскайға чахаан:

— Пу өкіснең хада парып, законның адынаң прай кирек нимені идінер.

Карабас Барабас, тöрт полицейскайнаң хада Карлоның турачаанзар чүгүр киліп, хысхырыбысхан:

— Тарабарской корольының адынаң оғырны паза чабал кізіні харибге чабынар!

Че ізік чабых полған. Турачахтан кізі табызы истілбеен. Карабас Барабас чахыбысхан:

— Тарабарской корольының адынаң—ізікті талабызынар!

Полицейскайлар ізікті ідібіскеннерінде, ізіктің іріп парған чардылары пар түскеннер, тöрт полицейскай чыдаларынаң күзүрэзіп, пасхыс алтындағы турачахтар хоғдыри халғаннар.



Карабас Барабас пастыхтың алнында тістенекті тұсқен.

Ана сах ол туста Карло стенеде чазырылған ізігеске мөкейіп кірчेतкен.

Ол прайларының соонан кірген,

— Дзынь!.. — ізік чабыл парған. Музыка тохтаи

парған. Пасхыс алтындағы тұрачахта кірліг бинттер паза от орнына хоосталған талалых истер ле чатхлап-чатхан...

Карабас Барабас, қазырылған ізіксер сегір киліп, аны мунзурухтарынан паза тахаларынан прай күзін салып тохлатхан:

— Тра-та-та-та!

Че ізігес пик полтыр.

Карабас Барабас, ырахтың чүгүр киліп, ізігесті соонаң сасхан.

Ізігес азылбаан.

Ол, тарынып киліп, полицейскайларға хысхырған:

— Тарабарской корольның адынан пу айнаның ізинин талабызына!

Полицейскайлар пурнуларындағы ойыхтарын, пастарындағы сізіктерін удур-төдір сыйбастырғаннар.

— Чох, пу аар тоғыс полтыр,—нандырғаннар олар. Анаң олар прай нимені закон хоостыра иттібіс, че кири шарманщик стене өтіре чөрібіскен тіп, тан ағаа айна полысча полар тіп чоохтирга городтың пастығынзар чөрібіскеннер.

Карабас Барабас, сағалына тынып, аны ўзе тарт-хлаан, полға андарылып, сағызы сыххан кізі ле чіли, харлап, улуп сыххан паза пасхыс алтындағы хуруғ тұрачахта, полда нымалахтан сыххан.

Чазыттығ ізік кистінде олар ниме тапханнар

Карабас Барабас, сағызы сыххан кізі чіли, сағалын чулынып, нымалахтанған туста, Буратино алнында, аның соонаң Мальвина, Пьеро, Артемон, прай-

зының соонаң—Карло паба пирік тас пасхысча чир алтынзар түсчеткеннер.

Карло пабаның холында кіичек свечічек койчекен. Аның палыңнапчатхан одычағы Артемонның түгдүр пазынаң алай ба Пьероның іскер иде сунганынаң улуғ көлеткілер тастаан, че ол одычақ пасхысты прай чарыт полбаан.

Мальвина хорыхханынаң, ылғабызам тіп, хулахта-рын чымчылаан.

Пьеро, киліскең-киліспеенни стихтар сағынып, чоохтанған.

Стенеде көлеткілер сегірісчелер,
Че пір дее нимедең хорыххинчам.
Пасхыс пирік тее полза,
Харасхыда хорғыстығ даа полза,
Чир алтындағы чол хайди даа
Піреे чирзер ағылар ла...

Буратино арғыстарының алнында полған, аның ах пörігезі тобін тирен чирде чадап ла көрінген.

Кинетін анда ниме-де, сыли түзіп, андарылып, нымалахтана парған, аннаң Буратиноның әзегліг ўні истілген:

— Минзер, полызыңа!

Кинетін Артемон, палығларын даа паза астаанын даа ундуп, Мальвинанан Пьероны андара урунып, хара хуюн на чіли, пасхыстарча тобін күс салған.

Аның тістері тарсли халған. Хайдағ-да тіріг ниме ханли түскен.

Прай сым' пол парған. Мальвинаның чүрегі ле, будильник часы чіли, тың сабылған.

Алтынан оттың илбек сузы пасхысты чарыдыбыс-

хан. Карло пабаның холындағы свечінің одычағы сарғал парған.

— Көрінер, көрінер табырах!—хысхырган Бурагатино.

Мальвина, тискер айланып, пасхысча манзыри түскен, аның соонаң Пьеро сегіреннеен. Ағас маймахтарын чідіріп ала, ин соонаң Карло мёкейе түскен.

Алтында, пирік пасхыс тоозылчатхан орында, таснаң салған орында Артемон одырчатхан. Ол чалғанып одырған. Аның азагы хыринда ол пурлухтыра тутхан Шушара улуғ күске чатчатхан.

Бурагатино ікі холынаң қызып парған киисті көдірген,—ол тас стенедегі ўтті тулғи хызылтыр. Аннаң көк чарых көрінген.

Үтке кірбінен олар күн сустарын көр салғаннар. Сустар тегілек көзенекті тобыра потолоктаң түсчеткеннер.

Чалбах сустар сарғамдың мраморнаң иділген тегілек комнатаны чарытханнар. Аның ортызында сіліг кёклөлер театры турчатхан. Аның көзенезінде күгүрттің алтын осхас чолы чалтырапчатхан.

Көзененің хабыргазында төрткіл ікі башня турған, олар кіничек кірпизектернен не салылған чіли сырлалтырлар. Ноган тимірнең иткен пәзік хырлары аның چылтырас турғаннар.

Сол сариндағы башняда хола соғаннығ часылар турғаннар. Циферблаттағы полған на санға тоғыр оолағаснаң хызычахтың хатхырысчатхан сырайахтары хоосталтырлар.

Оң сариндағы башняда—өң-пасха оннің сүлейкеліг тегілек көзенегес.

Ол көзенектің ўстүнде ноган сырлығ тимірнең

иткен хырда Чоохтанчан Сығыртхос одырчаттыр. Хачан прайлары, ахсыларын азып, ол сіліг театрнын алдында тохтабысханнарында; Сығыртхос ағырин, че пілдістіг чоохтанған:

— Буратино, сағаа хорғыстығ нимелер урунар тіп, мин сині сизіндіргем. Прай пу ниме чаҳсы тоозылғаны чаҳсы, че хомай даа тоозыларчығох, хынза... Ана хайди...

Чоохтанчан Сығыртхостың пазына хачан-да масаха тенен, аннаар анын ўні чоохтанчатханда, кири паза сала тарынча полған; ол чүс частығ даа паза төрееннең сығара аллығ істіліг дее полза, аны тарындырған кізіні ундубаан. Ол паза пір дее ниме хоспин, тозынны хахтаан чіли, сагалларын хыймырадыбызып, пу чоннаң хыя пірее тизіксер көблөчे чыл парыбысхан.

Анчада Карло паба чоохтанған:

— Мин піс мында көп алтын паза күмүс табарбыс тіп сағынғам, че иргі ойначаҳты ла таптыбыс ноза.

Ол, башнячахха кире иділген часызар пастыр киліп, тырғаанан циферблатты тохлатхан; часының хабырғазындағы чис позығаста ілген клүзекті алып, часыны толғап чөргізібіскен...

Часы тың хоғдырап парған. Соғаннар чөрібіскеннер. Улуг соғаны он ікеке читкен, кічии—алтаа. Башняның ўстү күзүреп, сыйли түсken. Часы алты хати сабылған...

Сах андох он хыриндағы башнядағы өң-пасха хоос сүлейкеліг көзенегес азыл парған, аннаң заводтығ чохыр хус, сығара хон киліп, ханаттарынан сабынып, алты хати ырлабысхан:

— Піссер, піссер, піссер, піссер, піссер...

Хус чазыныбысхан, көзенек чабыл парған, шарманка музыказы ойнабысхан. Көзене көдіріл парған...

Сценада сад полтыр. Алтын паза күмүс пүрліг кіичек ағастарда тырғах синінче ле заводтығ парчығастар ырласханнар. Пір ағаста гречиха нимізінче ле яблоколар хызылтыр. Ағастар алтынча павлиннер чёрчettірлер, олар, сала көдіріліп, яблоколарны чохчылааннар. Көк одычах ёскен орнычахта ікі ёскічек, сегірізіп, сүсклес чөргеннер, киіде харахха сала ла көрінчеткен әрбекейлер учуҳлап чөргеннер.

Іди минута иртіп парған. Парчыхтар тымыл парғаннар, павлиннернен ёскі палалары хабыргали тұрғысхан кулисалар кистіне кір парғаннар.

Ағастар сценаның полы алтындағы назыт оймахтарға кір парғаннар.

Кистіндегі декорацияда тюльпан иткен пулуттар ікі чара парғаннар. Хумнығ назы үстүнде хызыл күн көрінібсекен. Хабыргазындағы кулисалар кистінен он саринаң сыға салғаннар,—пірсінде сынап таа удав чылан салбаннапчаттыр. Пірсінде хузурухтарынаң ілінісken обезіяналар семьязы чайханысхан.

Ол Африка полтыр.

Пустыняның хұмнарынча хызыл күн алтында аңнар ирткеннер.

Чилінніг алабарыс ўс хати сегіріп ирткен. Ол хоосха палазынан даа улуг полбаза, уғаа хорғыстығ полған.

Кизін азахтарынаң тігдер-мындар чайбаңнап ала плистең иткен зонтик тудынған аба парған.

Уғаа чиркестіг крокодил ирткен. Аның кіичек хырт харастары чахсы да көрімніг поларға харас-

ханнар. Че андағ полза, Артемон, ағаа киরтінмін ырынанбысхан.

Носорог сегіріп ирткен. Аның чітіг мүүзіне хазалбас ўчён резинанаң иткен мячик кизілтір.

Мүйістіг, мойын сөöде тартхан сала тибее тőй жирафа чүгүрген.

Анаң олғаннарның нанчызы сағыстығ, аллығ істіліг слон парған. Аның хободында соянаң иткен конфета.

Ін соонан уғаа кірліг сас адай—шакал иртіп парған.

Артемон, ўріп киліп, аныңзар чүгүрген. Карло паба, аны хузуруғынаң хаап, чадап ла сценадаң хыя сөзірген.

Аңнар иртіп парғаннар. Кинетін күн ус парған. Харасхыда піреे һимелер өнімдерін түс килгеннер, піреелері хабырғазынаң чылғаннар. Хылларча смычокнаң тартыбысхан осхас табыс истілген. Тасхар койчиң фонарычахтар тамызылғаннар. Сценада город площады көзділген. Туралардағы ізіктер хазыра азылғаннар, олардан кіичек кізічектер, сыйып, ойначаң трамвайға кірглееннер. Кондуктор саң сабысхан, вагоноважатай туданы айландырыбысхан, милиционер сыйырыбысхан. Трамвай пöзік туралар аразындағы хабырғали чатхан улицазар чүгүре халған.

Велосипедтіг кізі ирткен—велосипедінің терпектері варенье салчан табағастаң улуғ полбаан. Газета сатчаң кізі иртіре чүгүрген. Аның газеталары ўсчен календарьның төрт хати пүгілген чаңынахтары синінче полған.

Мороженай сатчаң кізі мороженайлығ ханаачағын площадь тобыра иртірген. Тураларның балконыча-

тарына хызычахтар, сыгара хонып, ағаа хол пулғаннар, че мороженай сатчан кізі, холларын чаза тастап, chioхтанған:

— Прай чіп салғаннар, соонда килзем, аларзар.

Анаң көзене чабыл парған, көзенеде тигір чазының алтын чолы пазох чалтырап сыйхан.

Карло паба, Мальвина, Пьеро ёрінгеннерінен ўронарыл полбин турғаннар. Буратино, холларын ізебіне суғып, түмзиин өнімді тудып, маҳтанаң қохтанған:

— Көрдер бе? Көрген ползар, мин Тортила ча-чада саста тикке ле ёл полбіндірбын... Піс пу театрда „Алтын Клүзек, алай ба Буратинонаң паза аның аргыстарынан полған хынығ нимелер“ тіп аттығ комедияны турғызарбыс, пілдер бе? Карабас Барабас ачырганғанына чара чачырап паар.

Пьеро тырысхан хамаан мунзурухтарынаң чыс-хлаан:

— Мин ол комедияны сіліг стихтарнаң пас са-ларбын.

— Мин мороженай паза билеттер садарбын,—теен Мальвина.—Талантым тапсар, мин сіліг хызычахтарның рольын ойнирға сынанарбын...

— Олғаннар, истіңдердек, хачан ўгренерзер зе?—сурған Карло паба.

Прайзы пір ўннен нандырғаннар:

— Иртен ўгренербіс... Иирде, тізен, театрда ой-нирбыс...

— Че чарир, палацахтарым,—теен Карло паба,—мин аарлығ публиканы ёріндірер ўчён шарманка ойнирбын, че Италиядың городтар сай чөрізебіс, поза тударбын паза хой идінен чесноктығ ўгре хай-надарбын...

Артемон, хулахтарын чоғар тудып, пазын айлах тандырып исken, чылтыран ҳараптарынан аргыстарынзар көріп сураллаан:

— Мин чи ниме идербін?

Буратино нандырган:

— Артемон бутафорияны паза театрдағы костюмнарны холында тудар, піс ағаа кладовой клўстерін пиербіс. Ойын парчатхан туста ол кулисалар кистінде алабарыс полып абағарар, крокодилнің тістерін тарсладар, носорог чіли, азахтарынан топладар, чілнің улғанын көзідер, хузуруғын табырах айлахтандырып, паза пасха даа ўннерні истілдірер.

— Че син чи, Буратино, ниме идерзін? — прайлары сурғаннар. — Театрда кем поларзың?

— Хормачы чонзар сірер. Комедияда мин, позымны ойнап, чир-чалбахха сабланарбын!

Кёклөлернің наа театры пастағы ойын көзітче

Карабас Барабас от алтында угаа кённі чох одырган. Одыннар чадап ла көйчеткеннер. Тасхар наңмыр урчатхан. Кёклөлер театрның тизік хыры өтіре ахчатхан. Кёклөлернің холлары паза азахтары, әл полып, читі азыр хамчынан хорғытсалар, репетицияда пір дее кізі хынмаан. Кёклөлер ўзінчі күнін пір дее ниме чібеен полғаннар, аннанар позығларда салбаназа кладовкада удур-төдір чабал сыйырасханнар.

Иртенинен театрға пір дее билет садылбаан пол-

ған. Ноо кізі парап полған Карабас Барабастың әрістіг пьесаларын паза астап парған чыртых кип-азахтығ актерларын көрерге!

Городтағы башняда часы алты час сабысхан. Карабас Барабас кörчен залзар тарынчах чөрібіскен,— хуруғ.

— Айнаа даа парзыннар улухсырхана прай чон,— тімеліп ала тасхар сых парған. Хараан азып паза нууп, анаң ахсын азыбысхан, андар пір дее тудығ чох харға кире учугыбызарчых.

Аның театрынан тоғыр наа улуг киден палатқа алнында, талайдан ўрчеткен чилге дее хайбин, чон толдыра турған.

Палатканың ізии юстүнде ёнетін иткен тахтачахта узун пурұннығ колпацоктығ кізічек кёклөзі түрған, харлос табыстығ трубанаң ойнап, ниме-де хысхырчатхан.

Чон хатхырысхан, ая сапхан, паза оларның көбізі палатканың істінзер кіргеннер.

Карабас Барабассар Дуремар пастыр килген: аннаң палар уғаа тың ыштанған.

— Э-хе-хе,—теен ол, сырайын прай тырыстырып,—мин тігілерзер парапта хынчам,—Дуремар наа палатказар козіткен,—олардан свечілер тамызарга алай ба пол сыйырарға сурынарға сағынчам.

— Кемнидір ол хара айнаның театры? Хайдан сых килген ол?—ырыраныбысхан Карабас Барабас.

— Ол кёклөлер, постары „Молния“ кёклө театры азыбыстырлар, олар постароҳ стихнаң пьесалар пасчалар, постароҳ ойнапчалар.

Карабас Барабас, тістерін хабырып, сағалынан тартынып, анаң наа палатказар чөрібіскен.

Андар кірчен чирнің ўстүнде Буратино хысхыр турған:

— Ағас кізічектернің чуртазынаң хынығ, күлкістіг комедияны пастағызын көзітчебіс. Сын кирек мында мындаға полча, пос позыбыстың прай ырычыларын чітіг сөснен, махачынаң паза сағызыбыс чідірбееңінен чинебіс...

Кöклөлер театрына кірер орын алнында сүлейке будкалахта сіліг банттығ, көгілбей састье Мальвина одырған паза köклөлернің чуртазынаң хынығ комедияны көрерге хынғаннарға билет тее тарадарға маннанминчатхан.

Плис наа курткалығ Карло паба шарманка толғаан аарлығ чонға хынығ нымах ысчатхан.

Артемон, Алиса тұлғүчекті, ол билет соҳа кір палыбысхан, палатқадаң сығара хузуринаң сөзірчеткен.

Базилио хоосха, биледі соғох тизібізерге маннанып, нанмырда ағасха сыйып алып одырған, алтынзар тарынчах харахтарынаң көріп.

— Ойын пасталча.

Анаң комедияның пастағы чардығын ойнирға пас-хысча түзіре ойлабысхан. Ойында көзіділген: хайди хайран Карло паба ағастан ағас кізічек чазап иткенін, ағаа часка ағыларын пір дее пілбееңін.

Прайзының соонда театрзар Тортила черепаха алтын піcіктіг аарлығ билетті ахсында тудына чыл килген.

Ойын пасталыбысхан. Карабас Барабас позынын хуруғ театрзар тарынчах айлан килген. Читі азыр хамчызын алып алған. Кладовойның ізинин азыбысхан.

— Мин сірерні, нимеे чарабааннар, ўгредербін артизіңер, соҳа идерге,—чабал табыснаң хысхырған

ол.—Мин сірерні ўгредербін, хайди минзер чон ағыларға!

Ол хамчызын тазыладыбысхан. Че пір дее кізі нандырбаан. Кладовой ээн полған. Позыгларда ўзўл халған пағлар ла салбаннасхааннар.

Прай кёклөлер,—Арлекин дее, хара маскалығ хызычаҳтар даа, чылтыстығ устығ пörіктіг колдуннар даа, ўгүрсү осхас пурұңығ пүгүрлер дее, араптар даа, адайлар даа,—прай, прай, прай кёклөлер Карабас Барабастаң тизібістірлер.

Ол уғаа чабал табыстығ театрдан тасхар сығара хонған. Ол кёр салған, хайди аның халғанчы актёрлары салбаҳтар кизіре наа театрзар тісклеп парижаннарын, хайди музыка хынығ ойнапчатханын, хатхы-құлқі чайылчатханын, ая сабызы нызырапчатхан чирзер.

Карабас Барабас харахтарының орнына мархалар тіккен бумаゼйнай адаяхты ла тудып аларға маннанған. Че ағаа, хайдан-да сых киліп, кинетін Артемон чапсыныбысхан, андарып алып, адаяхты суура тартып алған, анаң анынаң хада палатказар ойлабысханнар, хайда кулиса кистінде астап парған актёрларға чеснокнан хайнатхан ізіг ўгре тимнел парған турған.

Карабас Барабас, тізен, наңмыр алтында салбаҳта одыра халған.

ОГЛАВЛЕНИЕ ЗІ

Стр..

Сөс алны	3.
Столяр Джузеппенің холына кізі табызынаң сыйх-	
тапчатхан полено урун парған	5.
Джузеппе чоохтанчатхан поленоны позының арғы-	
зы Карлоға сыйлапча	7.
Карло, ағас кőклю идіп, ағаа Буратино ат пирче .	9.
Чоохтанчан Сығыртхос Буратиноға манат үбп пирче	13.
Буратино позының хысха сағызы ўчүн сала Ѻл-	
бинче. Карло паба өңінг ҹачынинаң ағаа кип-	
азах итче паза азбука садып ал пирче	16.
Буратино, азбуказың садып, кőклөлер театрына би-	
лет алча	21.
Ойын кőзітчеткенде кőклөлер Буратиноны таңып	
салчалар	24.
Карабас Барабас синьор, Буратиноны өртир орнына	
ағаа* алтын ахча пиріп, ибінзер позытча	29.
Нан парирып, Буратино ікі кіленчікке—Базилю	
хоосхая паза Алиса тұлгее тоғасча	33.
„Үс палых“ тіп аттығ азыранчаң турада	36.
Буратиноға чабаллар чапсынчалар	40.
Чабаллар Буратиноны ағасхა іл салчалар	44.
Кök састығ хызычах Буратиноны тіргісче	46.
Кök састығ хызычах Буратиноны ўгредерге хынча	
Буратино Алығлар Страназында пол парча	50.
	55.

Полицейской адайлар Буратиноны хаап алчалар,	60
агаа пір дее сбс тапсирға пирбінчелер	
Буратино түгда чуртапчатханнаң танысча, төрт	
алтын ахчаның чіт парғанынаң піліп алча па-	
за черепаха Тортладаң алтын клүзек алча	63
Буратино, Алығлар Страназынаң тизіп, саінға кір-	
чен арғызына тоғасча	68
Пьеро, хозанға алтанып, хайди Алығлар Страна-	
зында пол парғанын choохтапча	70
Буратинонаң Пьеро Мальвиназар кілчелер, че олар-	
га сах андох Мальвинанан паза Артемоннаң	
хада тизерге кілісче	77
Арығ хазындағы хорғыстығ чаалазығ	82
Хуюда	88
Буратино хайди даа Карабас Барабастаң алтын клў-	
зектеңер піліп аларға чаратча	95
Буратино алтын клўзектеңер қазыт ниме піліп алча	98
Буратино пір ле хати хайди полчаан пілбінче, че	
прай ниме чахсы тоозылча	102
Буратино Карло пабазынан, Пьерионаң паза Арте-	
моннаң хада ибінзер айланча	109
Карабас Барабас пасхыс алтындағы тұрақтахха кире-	
хонча	115
Чазыттығ ізік кистінде олар ниме тапханнар	118
Коклблернің наа театры пастағы ойынны қозітче .	125

А. Н. Толстой

АЛТЫН КЛҮЗЕК АЛАЙ БУРАТИНОНАН
ПОЛҒАН НИМЕЛЕР

Переводчик *Е. А. Абдина*

Редактор *Н. Е. Тиников*


Художественный редактор *А. П. Масленников*


Технический редактор *А. А. Самрина*

Корректор *А. С. Килижекова*

Подписано к печати 1 декабря 1962 г. Формат бумаги 60×84¹/₁₆. Печ. л. 81¹/₄.
Уч.-изд. л. 4,98. Заказ 1746. Тираж 500 экз. Цена 27 коп.

Хакасское книжное издательство, г. Абакан, пр. Ленина, 70.
Хакасская областная типография, г. Абакан, 1962 г.





Паазы 27 ахча.

ХАКАСИЯНЫЦ КНИГА ИЗДАТЕЛЬСТВОЗЫ
АБАКАН — 1962